

SHANGO LI KHOU

KWASHEKANA HAFHU

 Amene. Murena a ni fhaṭutshedze. Ni nga dzula. Zwo pfala zwi zwavhuđi nga maanda u dzhena madekwana a namusi na u pfa inwi ni tshi renda Murena, huno na humela murahu hayani hafhu na vhona muthu muňwe na muňwe. Ndo vha ndi tshi khou ṭoda izwi u bva tsha Ndivhuwo yo fhiraho musi ndi hafha, u swika murahu kha thaberenakele yanga hafhu. [Tshivhidzo tshi ri, "Amene."—Mudz.] A thi ɖivhi he a ya hone. Hafha u nga hangeno. Ndi tou mangala arali o vha a tshi khou yo amba uri "amene" kha izwo, inwi ni a ɖivha. [Mukomana Moore u ri, "Amene."] Tshifhinga tshothe ndi zwavhuđi u vha fhano. Huno ndi sedza phanda, vhunga ndo amba, u bva tsha Ndivhuwo yo fhiraho.

² Ri kha di bva u ṭutshela New York City, he ra vha na fulo li mangadzaho. Murena o ri fhaṭutshedza heneffo nga ndila ya maanda. Huno ro vha ri kha Morris Auditoriam, huno magogo o ḍala ngomu, na n̄tha na fhasi zwiṭaraṭani. Huno vha do ima heneffo nn̄da, vho lindela. Arali—arali muthihi a dzhena ngomu, mudzia-u-điimela fhedzi, inwi ni a ɖivha, huno a tshi do elekanya, zwo luga, tshińwe tshithu; vhańwe vhatru, inwi ni a ɖivha, na ya tshivhidzoni, huno zwenezwo tshithu tsha u thoma, tshińwe tshithu tsha ambiwa, tshine vha si tshi takalele, vha do takuwa huno vha bvela nn̄da. Huno vho vha vhe nn̄da heneffo vha tshi khou vota, ndi nn̄yi a no do wana uvho vhudzulo musi vha tshi bva. Huno ndi da vhusiku vhuiwe na vhuiwe, huno katukułuku muđi u re kule nga buloko, huno vha do thuphiwa n̄tha na fhasi zwiṭaraṭani. Huno Murena o ri fhaṭutshedza huno a ri ᶜea mimuya, na phodzo khulwane nn̄zhi dzi tshi khou itea.

³ Huno zwenezwo kha vhuragane ha Vhanna vha Bindu, ro vha na tshifhinga tshi mangadzaho, ra rengisa thikhithi dzavho. Huno—huno zwenezwo ndi elekanya uri vho do tea u tendela vha madana ngomu, vhe vha sa vhe na dzithikhithi. Zwenezwo vha dadza dziphasedzhi, na u mona na holo na mahothi, na zwińwe-vho. Huno ro tou vha na tshifhinga tshi mangadzaho. Tshifhe wa Muepisikopaljeni na tshińwe na tshińwe heneffo, huno Murena a ri fhaṭutshedza zwihiulwane.

⁴ Huno zwenezwo ra ima ngomu hayani, huńwe haya hanga, ngei Jeffersonville. A hu na zwińwe, ndi dzula zwino ngei Tucson, Arizona, vhunga ni tshi ɖivha, lwa mińwaha mivhili yo fhiraho.

⁵ Huno zwino ndi ndilani ya u ya murahu Tucson zwino, u itela vhuragane ha Vhanna vha Bindu vhege i ḍaho ngei Phoenix. He,

heneffo nga u ṭavhanyedza nga murahu ha u thoma ha nwaha, ri thoma fulo heneffo, mađuvha a si gathi phanda ha Vhanna vha Bindu vha Mashangodavha, ndi a tenda, kana khuvhangano ya lushaka ngei—ngei Ramada Inn.

⁶ Huno ndi zwavhuđi nga maanda u vha fhano kha—kha mudi uyu wavhuđi wa Shreveport, madekwana a namusi.

⁷ Zwino, kanzhi ndi amba tshifhinga tshilapfu. Fhedzi ndi khou yo lingedza zwanga zwa khwinesa u i vhea fhasi, awara tharu kana nna, naho zwe ralo, kha itshi na kha itshi tshifhinga. Huno ndi a ḋivha uri ndi tou ni netisa, fhedzi, ni a vhona, a thi swiki hune nda ni vhona kanzhi. Huno vhanzhi vha ya Hayani ndi sa athu...ya Hayani ngei Vhugalani ndi sa athu swika hune nda ni vhona hafhu, huno ndi a elekanya, “Zwo luga, iyi i do vha nyambo yashu ya u fhedzisela ya lifhasi rothe ni sa athu namela bufho.” Huno vhanzhi vho ṭuwa, a hu na u timatima, u bva tsha tshino tshifhinga mahola. Huno nga khonadzeo, arali Murena a tshi lenga, huno ra tea u vhuyelela murahu hafhu nwaha u ḋaho kana nga tshinwe tshifhinga, hu do vha ho engedzea, hafha madekwana a namusi, khamusi nne mune. A ri ḋivhi uri ri do vhidzwa nga tshifhinga—de. Huno, inwi ni a ḋivha, Murena Yesu a nga di vhuya a da iyi tshumelo i sa athu vala madekwana a namusi.

⁸ Zwino, vhunga ni tshi nnđivha nne, a si nne tshiambi, a si nne muambi. Ndi—ndi tou funa Murena huno nda ita zwine nda kona u itela vhugala Hawe. Huno musi ndi tshi ima hafha kha iyi pulatifomo, ndi tshi ḋivha uri munna a no nga Mukomana Moore na vhanna vhahulwane vhanzhi vho ima kha iyi pulatifomo, zwi nnyita uri ndi pfe u nga—u nga...hu si nnđa ha fhethu, a thi khou amba izwo. Fhedzi, ndi khou amba, girama yanga na zwithu, ndi pfa ndi tshi nga, arali vhathu vho vha vha songo mpfuna zwavhuđi vhukuma, vho vha vha tshi do takuwa huno vha bva musi ndi tshi dzhena kha phuluphithi. Ngauralo vha sokou nkondelela, huno ndi a zwi livhuwa. Zwino...

⁹ Fhedzi tshifhinga tshothe ndi da na iyi—na iyi ndivho. A thi di fhano uri ndi vhonwe fhedzi; arali ndo ita, ndo vha ndi tshi do ya nđuni yanu u dala, ni a vhona. Ndi da hafha u ita zwenezwo zwa khwinesa zwine nda kona zwa Murena Yesu Kristo, musi ndi fhano. Ndi fhano hu si nga iñwe ndivho fhedzi u shumela Ene, nahone zwa khwinesa zwine nda ḋivha uri hani, na u disa Ipfi kha inwi vhunga ndi tshi newa Lone, nda rabelela vhalwadze vhanu na vha ṭhupheaho. Zwino, ri do vha na vhusiku, kana mavhili, Mukomana Moore na nne ri do vha fhethu huthihi, uri ri ye u rabelela vhalwadze.

¹⁰ Zwenezwo, vhusiku vhuñwe na vhuñwe, ri ḫoda muthu muñwe na muñwe ase a sa vhe Mukriste, a tshi fhulufhela uri tshinwe tshithu tshi do ambiwa kana tsha itwa, uri ni vhe Mukriste. Huno arali ni si ene, arali no no di tenda kha Murena

Yesu Kristo, huno no Mu ṭanganedza na lovhedzwa, nahone ni sa athu ṭanganedza Muya Mukhethwa, ni songo litsha uvhu vhu tshi fhira. Itonu tendela uvhu vhu tshi vha vhusiku hanu. Ngauri, eelewani, hu do vha na madzina manzhi nga maanda kha iyo Bugu. Huno musi dzina la u fhedzisela li tshi engedzwa, izwo ndi one othe. Huno ḥanu li nga I vuledza.

¹¹ Musi Ngwana i tshi da huno ya dzhia Bugu kha tshanda tsha u la tsha Uyo o dzulaho kha Khuluñoni, iyo yo vha i Bugu ya Thengululo. Huno ayo madzina o vhewa ngomu heneffo shango li sa athu tewa. Musi ilo dzina la u fhedzisela li tshi vhidzwa, Bugu, pulane, tshithu tshiñwe na tshiñwe-vho tsha dzumbululwa tshifhingani itsho, Mapfundo a Sumbe a pfunululwa nga Ngwana. Zwiphiri zwa Bivhili zwo dzumbiwa ngomu Henefho. Arali ndo vha ndi na tshifhinga, ndo vha ndi tshi do takalela u . . .

¹² Ndi kha di bva u fhedza nga ayo Mapfundo a Sumbe, zwa zwenezwino. Ndi do takalela u fhira nga khao hafhu. Huno nga ndila ye Murena a ri fhatutshedza nandi! Vhanzhi vha vhoiwi no a pfa, huno na vhala kha magazini wa *Life*, na zwithu, zwithu zwo iteaho nga itsho tshifhinga. Musi, vho fara tshifanyiso, na, tsha Vharuñwa vha sumbe, vhunga zwo bvumbiwa musi ri tshi ya Vhukovhela. Huno O mmbudza, phanda ha miñwedzi miraru, hune tsha do vha hone na ndila ine nda do vha ndo ima heneffo, huno heneffo tsho vha tshi hone! Huno—huno khamera, oo, lwa mimaela ya ḫana, dza fara tshifanyiso Tshavho heneffo, tsho tou kokotolo. Zwo bvumbiwa kokotolo! Huno arali ndo vhuya nda rera tshiñwe tshithu tshe tsha vha tsho hevhedzwa, vhutshiloni hanga, ndi *Mapfundo A Sumbe*. Huno ngauralo ndi a ḫivha uri ri kha tshifhinga tsha vhufhelo.

¹³ Huno dzina la u fhedzisela li no ya kha iyo Bugu, kana, dzina la u fhedzisela li no rengululwa, le la vhewa kha iyo Bugu, ilo li a zwi ladza, U da u vhila zwe A rengulula. Huno tshi nga di vha tshifhinga tthisili. Naa no no vhuya na elekanya: vhatu vha do bvela phanda na u rera, tshivhidzo tshi do bvela phanda nahone vha tshi elekanya uri vha khou ita uri vhatu vha tshidzwe. Tshifhinga tsho no fhela tshifhingani itsho, tsho fhela, ni a vhona, huno Mulaedza u do ya kha vho xelaho tshothe-tshothe; vhunga wo ita maduvhani a Noaxe, maduvha a sumbe gungwani. Wo ita maduvhani a Sodoma. Yesu Ene muñe, tshipida tsha vhuraru Tshawe—Tshawe tsha mushumo Wawe, O ya huno a rerela mimuya ye ya vha yo xela tshothe lwa U Ya Nga Hu Sa Pheli, ye ya vha i dzhele, ye ya sa shanduke, u sa fhela mbilu maduvhani a Noaxe. Huno a ri ḫivhi uri izwi zwithu zwi nga bvelela nga tshifhinga-de.

¹⁴ Huno kha ri tsivhudzwe. Ni songo tou ima u mona hothe, kha ri ite tshiñwe tshithu nga hazwo. Arali ri songo luga kha Mudzimu, kha ri luge na Mudzimu.

¹⁵ Nga tshiñwe tshifhinga, ndi a elekanya, kha ndima ya vhu11 ya Mateo, ndi a tenda uri ndi yone, kha ndimana ya vhu6, kana tshiñwe tshithu, a thi na ngoho ya iyo. Ndi ndima ya vhu11, ndi na ngoho nga maanda. Vhafunziwa vha Yohane vho vha vho ruñwa nga Yohane, nga tshiñwe tshifhinga, u vhona Murena Yesu, u Mu vhudzisa arali zwa vhukuma O vha e Ene, kana vha tea u tøda muñwe. A ri, “Iyani ni sumbedze Yohane zwithu zwi no bvelela. Mu vhudzeni, ‘Mashudu uyo ane a si khukhulwe nga Nñe.’”

¹⁶ Huno zwenezwo musi vho no budekanya muvhundu, huno Yesu khamusi o vha sedza, A ri, “Naa no ya nn̄da u vhona mini?” Huno vha... Ha pfi, “Naa no ya u vhona luñwe lushaka lwa munna o ambaraho zwiambaro zwavhuñi?” A ri, “Vha pfamoni dza dzikhosi. Huno luñtanga lu dzinginyiswaho nga muya?” A ri, “Naa no ya u vhona muporofita?” Ha pfi, “Ndi ri kha vhoinwi, huno a fhiraho muporofita. Arali ni tshi nga kona u zwi ṭanganedza, uyu ndi ene we muporofita a amba nga hae, Maleaxi 3, ‘Huno Ndi do ruma muñdinda Wanga phanda ha tshifhantuwo Tshanga.’”

¹⁷ Vhafunziwa vho vhudzisa nga tshiñwe tshifhinga nga ha iyi mbudziso. Vha ri, “Ndi ngani vha mañwalo vha tshi ri, vhadededzi vha Luñwalo, uri, ‘Eliasi u fanela u ña phanda ha izwi, izwi zwithu zweþhe zwi tshi bvelela?’” Zwino elelwani, O vha a tshi amba na vhafunziwa, hu si kha Vhafarisei. Vhafunziwa, vho ri, “Ndi ngani vha mañwalo vho amba uri, ‘Eliasi u fanela u ña u thoma?’”

¹⁸ A ri, “Eliasi o no ñi ña, huno vho mu ita zwe vha vhekanya, huno a no ngo zwi ñivha.”

¹⁹ Mini-ha arali liñwe duvha no vha ni tshi nga wanulusa, ri do rwa phiriodi ya mathupho kana tshiñwe tshithu, inwi ni ri, “Zwo luga, ndo elekanya uri U Takulelwa Taðulu ho vha hu tshi tea u ña u thoma”? Ni a vhona? Huno ipfi li ño amba murahu huno la ni vhudza, “U Takulelwa Taðulu ho no ñi bvelela, huno a no ngo hu ñivha.”

²⁰ “Sa zwe zwa vha zwi hone maðuvhani a Noaxe, he mimuya ya malo ya tshidzwa nga maði, zwi ño ralo kha u ña ha Murwamuthu.” Vhatu vha bvela phanda, vha tshi khou tou elekanya uri vha khou ita tshithu tsho lugaho, huno zweþhe zwi ño fhela. Oo Mudzimu, ri khathutshele! Kha ri, kha ri ñitole, zwa zwino kha aya masiku a tevhelaho a si gathi, vhonani hune ra vha hone.

Kha ri kotamise zwifhantuwo zwashu hafhu.

²¹ Murena Yesu, ri na izwi zwithu thalukanyoni, huno zwo ñekedzelwa itshi tshihvidzo, zwo ñekedzelwa avha vhatu; Mudzimu, ndi a rabela uri U ño tshidza muya muñwe na muñwe Shreveport, nga tshino tshifhinga, o ñwaliwaho kha iyo Bugu. Arali hu na vhañwe fhano vha songo tshidzwaho, Khotsi, ngavhe iyi i tshi vha awara ine vha ño tshidzwa ngayo. Arali hu na

muñwe kha itshi tshivhidzo, madekwana a ñamusi, ngavhe uvhu vhu tshi vha vhusiku.

²² Fhaṭutshedza Mukomana Moore, Khaladzi Moore, na muta wawho, vhana vhavho, vhana vha vhana vhavho. Mudzimu, ri a U livhutshela vhone. Huno Mukomana Lyle, Mukomana Brown na vha—vharathu vhoṭhe hafha tshivhidzoni, Mukomana Don, na itshi tshivhalonyana tshavhuđi tsha vhathu, mirado yothe fhano, mirado zwayo, ri tou U livhutshela vhone.

²³ Huno ri a rabela, Khotsi wa Tađulu, uri muṭangano washu rothe fhano kha iyi Ndivhuwo... I nga di vha Ndivhuwo ya u fhedzisela ine ra do vhuja ra ṭangana roṭhe kha ili liphasi, ngauralo, Mudzimu, kha ri dzhie tshivhuya huno ri bindulise tshifhinga. Huno ri a limuha uri tshi—tshi khou ṭuwa tshifhinga, huno ri ṭoda tshinwe na tshinwe tshine ri nga kona u tshi ita, tshi re kha maanda ashu, u ita uri mushumo u itwe u itela Murena Yesu A sa athu da. Nga inwe ndila, ndi pfa u nga O lindela rine u—u fhedzisa mushumo. Ngauralo, ri thuse, Murena, madekwana a ñamusi, sa muthu, muñwe na muñwe washu, uri ri vhe na ndavha na vhañwe, uri ri bvele nnda ngomu zwiṭaraṭani, kana ngomu mudini wa tsini, huno—huno ra ḥisa ngomu vho xelaho, uri vha kone u tshidziwa.

²⁴ Fhaṭutshedza Ipfi Lau. Ipfi Lau ndi Ngoho, Murena, Ngoho yoṭhe. Ngauralo ri a rabela, uri musi ri tshi lingedza u vunda itshi Tshinnkwa tsha Vhutshilo, Ngoho, kha vhathu, uri Muya Mukhethwa u do da, ngauri vha uyo muvhili wo vundiwaho heneffo Khalivari hune tshivhi tsha tea u u vunda, huno wa khethekanya Ene mune vhukati hashu hafhu, nga vhuledzani u mona hoṭhe na Ipfi. Ngauri ri a zwi humbelia Dzinani la Yesu. Amene.

²⁵ Zwino, arali ni tshi do funa, ndi ṭoda inwi ni tshi rembuluwa na nñe. Vhanzhi vha vhoinwi vha takalela u nga vha ṭoda u vhulunga one—one Mañwalo hune mushumeli a vhala, kana muevangeli. Huo ndi ṭoda u vhala mañwe, madekwana a ñamusi, u bva kha Doiteronomio, ndima ya vhu⁴, ri tshi thoma nga ndimana ya vhu⁷ u swika kha ya vhu¹⁴. Huno Bugu ya Vhaheberu, ndima ya vhu¹⁴, ndimana ya vhu²⁵ nga kha ya vhu²⁹, yo katelwa. Doiteronomio 4.

*Ngauri ndi lufhio lushaka lu re hone lu re luhulwane
nga maanda, lu re na Mudzimu tsini nga maanda nalwo,
vhunga MURENA Mudzimu washu e kha zwithu zwoṭhe
zwine ra mu vhidzelela zwone?*

*Huno ndi lushaka-de lu re hone lu re luhulwane nga
maanda, lune lwa vha na dzindaela na dzikhaṭhulo dzo
lugaho nga maanda sa uyu mulayo woṭhe, une nda u
vhea phanda hañu nga ili duvha?*

*Fhedzi ni dilonde, huno ni vhulunge muya wañu nga
maanda, uri ni si hangwe zwithu zwe maṭo aña a zwi*

vhona, huno zwa sa ṭuwe mbiluni yaṇu maduvha oṭhe a vhutshilo haṇu: fhedzi zwi funzeni vharwa vhaṇu, na vharwa vha vharwa vhaṇu;

Nga maanda ḫuvha le inwi na ima phanda ha MURENA Mudzimu waṇu ngei—ngei Horebe, musi MURENA o ri kha nne, Nkuvhanganyelete vhathe whoṭhe, huno Ndi do vha ita uri vha pfe maipfi anga, uri vha de vha gude u ofha maduvha oṭhe ane vha do tshila kha ḫifhasi, na uri vha kone u funza vhana vhavho.

Huno ni a ḫa tsini huno na ima fhasi ha thavha; huno thavha ya swa nga mulilo u swika vhukati ha ṭaḍulu, huno swiswi, na makole, na vhudenza, na swiswi.

Huno MURENA a amba na inwi e vhukati ha mulilo: no pfa ipfi ḫawē la maipfi, fhedzi na sa vhone tshifanyiso; no pfa fhedzi lone ipfi.

Huno o ni ḫivhadza mulanga wawe, we a ni laya wone uri ni u ite, na milayo ya fumi; huno a i nwala kha mbaba mbili dza tombo.

Huno MURENA a ndaya nga itshe tshifhinga u ni funza ndaela na dzikhaṭhulo, uri ni dzi ite shangoni ḫinwe na ḫinwe line na ya u li dzhia.

²⁶ Huno zwino kha Bugu ya Vhaheberu, ndima ya vhu14, ri tshi thoma nga ndimana ya vhu25.

Vhonani uri a ni hani uyo we a amba. Ngauri arali vha songo ponyoka we a hana uyo o ambaho kha ḫifhasi, nga maanda riṇe a ri nga ponyoki, arali ri tshi rembulutshela kule ha uyo a ambaho ṭaḍulu:

We ipfi ḫawē la dzinginyisa ḫifhasi: fhedzi zwino o no fulufhedzisa, a tshi ri, Naho zwo ralo luthihi Ndi do, A thi dzinginyisi ḫifhasi fhedzi na ṭaḍulu.

Huno ili ipfi, Naho zwo ralo luthihi . . . li dzumbulula u ḫuswa ha . . . zwithu zwi no dzinginyiswa, sa zwithu zwi no itwa, uri izwo zwithu zwine zwi nga si dzinginyee zwi sale. Hu na . . .

Ngauralo-ha ri ṭanganedza muvhuso une u nga si kone u sudzuluswa, kha ri vhe na tshilidzi, tshire ngatsho ri kone u shumela Mudzimu nga ndila i ṭanganedzeaho ri na khuliso na u ofha Mudzimu:

Ngauri Mudzimu washu ndi mulilo u ḫaho.

²⁷ Zwino ndi na notsi dzi si gathi hafha, na maṇwe Maṇwalo o ḫinalwaho fhasi, ane nda takalela u amba nga hao lwa miniti i si gathi, vhunga ndi tshi do nea izwi ḫohohi isili ḫukhu. Huno idzi theiphi dzo luga tshifhinga tshiṇwe na tshiṇwe muṇwe muthu a tshi nga dzi ḫoda. Vho-Maguire fhano vha do kona u—u ni nea izwi zwithu. Huno ndi ḫoda u dzhia ḫinwalwa, li bvaho kha

liñwalwa ṥa iyi thoho, kha ndi ralo, ngaurali, *Shango Li Khou Kwashekana Hafhu*.

²⁸ Ro vha ri tshi khou tsela phasi mulovha, kana madekwana o fhiraho, nga kha Memphis, Tennessee, ro dzhena ngomu heneffo hu tshi nga tshifhinga tsho no ṭuwesa nga masiari, kana tshipida tsha nga madekwana. Huno ro kondelwa nga maanda u fhirā zwiṭaraṭani, vha-vhana na vhathu vho vha vho ḥala nga maanda. Huno nda elekanya, “Naa izwi zwi nga vha mini?” Vha—vhathu vho vha vha songo ambara vhunga vho vha vho ya muṭanganoni wa vhurereli vhunga mukomana washu wavyudi, Billy Graham kana Oral Roberts. Huno a tho ngo elekanya uri vho vha vhe kha itsho tshiṭiriki nga itsho tshifhinga, naho zwo ralo. Huno vhasadzi vho vha vho ambara zwileke, huno vhana vhaṭuku u mona hoṭhe navho, vho vha vho ambara maovarolo, na zwiñwe-vho, maovarolo. Huno nda mangala zwe zwa vha zwi zwone, huno mafhedziselonu ro wanulusa. Vho vha vhe na mufolo wa—wa Santa Claus. Ho vha hu na vha zwigidi zwinzhi vhe vha vha vha tshi khou u sedza zwiṭaraṭani, na zwiñwe-vho. Huno ro tou vha na tshifhinga tshi ofhisaho ri tshi dzhena nga kha Memphis, ngauri hu khou ḥa tshifhinga tsha Khushumusi.

²⁹ Huno Khushumusi li tou vha ḫuvhambadzi vhuhulwane, u swika ḥo no bvisa Ndivhuwo zwavhuḍi kha tshifanyiso, ngauri...kha—kha shango ḥa bindu, naho zwo ralo; ngauri ḥone shango ḥa vhu—vhuvhambadzi li ṭutuwedzwa zwiṭulwane nga Khushumusi, ngauri hu na mavhengèle manzhi a vhathu. Huno vha tou...Ndivhuwo li tou vha li fhiraho zwiṭuku. Huno ri a wanulusa, musi ri tshi vhona Khushumusi i tshi sendela hafhu, nda elekanya uri tshi ḥo vha tshithu tshavhuḍi u amba nga ha iyi ḥoho, musi ri tshi sendela khayo. U vhona izwo, zwa vhukuma, Khushumusi a si...

³⁰ Ri takalela iļi ḫuvha ḥa vhu²⁵ ḥa Nyendavhusiku u itela mabebo a Kristo, fhedzi, a hu na zwiñwe, muñwe na muñwe u a ḫivha uri ḥo vha li si mabebo a Kriso. Ayo o vha e mabebo a mudzimu-wa-ḍuvha wa Vharoma, musi tshihidzo tshi tshi rembuluselwa kha, kana, tshi tshi diswa kha Vhukaṭolika, tsha vhumbiwa kha khoro ngei Nicaea. Vhudzuloni ha uri a vhe a “mudzimu-wa-ḍuvha,” vho a ita mabebo “a Murwa wa Mudzimu.” Afho ho vha hu musi, ḫuvha, ndi u bva kha ḥa vhu²⁰ u swika kha ḥa...Ndi amba ḥa vhu²¹ u swika kha ḥa vhu²⁵, li nga li kha ḥa...Ndi hangwa dzina ḥine na li vhidza ḥone, nga ndila yo teaho. Ndi musi tshi tshi kondelwa u vha tshifhinga tsha vhuvhili-kana-vhuvhili musi tshi tshi fhira nga kha itsho tshipida. Huno o vha e mabebo a mudzimu-wa-ḍuvha, huno vho tou dzhia “Murwa wa Mudzimu” huno vha ita ayo mabebo Awe, u a ṭumanya na maitele avho a vhuhedeni. Huno a hu na nga iñwe ndila, na luthihi, uri a nga vha mabebo a Kristo.

³¹ A nga si vhe o bebwa nga itscho tshifhinga, ngauri Yuda li ḥoda u fana nga—nga...n̄tha kha malinganye, vhunga iļi ḥo

ralo, huno riñe—riñe ri wana uri, kha la Yuda, nga tshifhinga tsha vhuriha, nga la vhu²⁵ la Nyendavhusiku, li na qumbu na mahada na u rothola. Vhalisa vha nga si kone u vha kha muvhundu, huno hu na zwiitisi zwinzhi zwauri li nga si kone u vha nga u ralo.

³² Huno zwenezwo O bebwa nga lwa mvelo, vhunga mvelo dziñwhe dzothe, O—O da phanda nga Tshimedzi. Kanzhi musi ngwana dzi tshi dzwaliwa, nga Tshimedzi; huno O vha e Ngwana. Zwino, ndi a tenda, O bebwa, nne muñe, Thafamuhwe, Lambamai, kana huñwe fhethu ngomu heneffo, nga Tshimedzi tsho tjavhanyaho.

³³ Fhedzi ri wana uri vho ita ñuvha la muvhambadzi ngaño. Vhatu vha tshi dala zwiñarañani, huno vha tshi phumulana mahada, na u ñatañha khaní nga ha zwithu, huno vha tshi tendeleka vha tshi ñea muñwe muthu tshifhiwa, uri vha ño tshi badelela vhunngana.

³⁴ Liñwe ñuvha, ndo vha ndo mangala. Fhethu he nda vha ndo ima, huno vhafumakadzi vhavhili vha tshi khou amba nga ha u ñea khotsi avho tsha mabebo...kana tshifhiwa tsha Khushumusi tsha uyu ñwaha. Huno muñwe wavho a ri, “Ndo vha wanela phainthi ya wisiki.” Huno uyo muñwe a ri, “Ndo mu wanela paka, kana khadibogisi la dzisigarete,” kana tshiñwe tshithu-vho tsha u ralo. Huno vho vha tshi khou amba, muñwe a ñea wisiki nnzhi u fhira zwe muñwe a ita nga dzisigarete.

³⁵ Huno nda elekanya, “Arali iyo i si ndila ya u ñea ene—ene... rengisedzanani kana ni ñee tshifhiwa tsha tshihumbudzo tsha Yesu Kristo, Murwa wa Mudzimu!” Ndi tshithu tshi wanaho lufu tshinzani nandi!

³⁶ Huno ndi vhona shango lashu li kha vhutungu ho raloho sa zwine la vha ngaho zwino, lo tshikafhala siani liñwe na liñwe, a hu na ndila kha shango ya uri li vhuye murahu ha lone line hafhu. Ndi khwine ri tshi ñhogomela, zwine ra khou ita maqûvhani ano. Ngauri ri na, zwa zwino nga u tungufhala, nga ha liñwe la makhathulambilu mahulwane, huno—huno liñwe la mahulwane... Riñe na khathihi a ro ngo vhuya ra elekanya uri itsho tshithu tshi ño bvelela kha la Amerika, fhedzi tshi fhano naho zwo ralo. Huno u tsitsela fhasi hashu Mafhungo-madifha, ho no vha ho liwaho nga mbungu na zwithu zwo raloho sa izwo, huno zwi ño ñana u vhifha. A hu na u timatima na luthihi, kha ñhalukanyo yanga, nga nnña ha zwi ño sokou isa phanda zwi tshi ñana u vhifha.

³⁷ Fhedzi ri a wana, kha iyi Khushumusi, u tsela fhasi kha ñthoho, uri iyi Khushumusi i wana shango li tshi tou nga yone yo ita miñwahani ya zwigidi zwigidi yo fhiraho, musi Yesu a tshi ña. A tsho ngo shanduka nga maanda u bva tshifhingani itsho. Ngauri, iyi, iyo Khushumusi yo wana shango li tshi khou

kwashekana, huno li tshi khou ṭoda Mesia wa u li thusa u li fara fhethu huthihi. Huno—huno izwo ndi nga ha ndila ine zwa vha ngayo namusi, ri khou ita zwenezwo zwithihi. *Shango Li Khou Kwashekana Hafhu.*

³⁸ Zwino, izwo a si kha la Amerika fhedzi fhano, fhedzi izwo zwi kha shango lothe, huñwe na huñwe hune na ya; shango la vhurereli, shango la politiki, tshiñwe na tshiñwe, sha—shango la mikhwa yavhuđi. Lone—lone, hu tou vha hu si na zwo engedzeaho zwalo, hu tou vha... Mikhwa yavhuđi i tou vha vhukati ha vhathu vhavhuđi, a zwi tsha vha nga u ralo, huno izwo zwi a konda u wanala. Ndi—ndi ḥoni. Huno politiki na tshiñwe na tshiñwe two tshinyala, u swika tshithu tshothe tshi tshi lwala na u vha zwilonda zwi re na vhulwa, u bva ḥohoni u swika milenzheni, shango lothe. Sisteme yashu ya politiki, sisteme yashu ya vhurereli, sisteme yashu ya mikhwa, tshiñwe na tshiñwe tshire ra vha natsho, tsho ḥuwa! Fhedzi, a hu na ndila ya u tshi vhulunga fhethu huthihi. Yone, yone yo fhela! Tsho... Ri kha vhufhelo ha ndila. Ndi zwenezwo fhedzi zwi re khazwo.

³⁹ Riñe, ndi a divha uri ro amba nga hazwo tshifhinga tshilapfu, fhedzi nga linwe la aya mađuvha a zwi tsha do ambiwa, zwi khou yo vha tshithu tsha divhazwakale, huno ri ḥo diwana nnđa arali ri sa fhađuwi nga tshino tshifhinga.

⁴⁰ Ndi a mangala, arali riñe iyi Khushumusi, arali Mudzimu a tshi ḥo tea u Mu ruma hafhu vhunga O ita ngei murahu miñwaha ya zwigidi zwivhili two fhiraho, arali A tshi ḥo Mu ruma kha riñe nga 1964, ndi a mangala arali ri sa ḥo Mu ita vhunga vho ita tshifhingani itscho? Ndi tou mangala arali u Da Hawe hu tshi ḥo vha hone, Ha tsha ḥo ḥanganedzwa, kha—kha—kha shango la politiki kana kha shango la vhurereli, u fhira zwe A vha e zwone tshifhingani itscho? Ndi tou mangala arali ri kha ḥi vha kha tshiñwe tshivhumbeo tsha u Mu ḥanganedza, vhunga zwe A vha e zwone tshifhingani itscho? Fhedzi ri a divha uri O landulwa nga itscho tshifhinga.

⁴¹ Naa ro vha ri tshi do ita mini Khae arali A tshi da? Thañwe shango la vhurereli, liné nda khou vhea izwi khalo, ni ḥo Mu ita vhunga ḥo ita nga tshiñwe tshifhinga. Vho vha vha tshi do Mu vhamba arali vho kona, (a vha athu shanduka), nga tshiitisi tshi fanaho tshe vha ita nga tshiñwe tshifhinga.

⁴² Ndi ngani vho zwi ita, naa vho vhamba onoyo Muthihi we vha vha vha tshi rabela uri a de kha lifhasi, u vha tshidza, u vha bvisa kha ndado? Vho vhamba fhulufhelo fhedzi le vha vha vhe nađo. Ndi ngani? Ndi ngani vho zwi ita? Ngauri, musi Mudzimu a tshi fhindula thabelo yavho, O i fhindula nga ndila ye vha sa i lavhelele uri i nga fhindulwa. Musi A tshi da, na khathihi Ha ḥi nga muthetshelo wa theolodzhi yavho.

⁴³ Huno arali A ḥa hafhu, ḥamusi, U ḥo ḥa nga ndila nthihi; a bva kha muthetshelo wa shango kana theolodzhi ya zwivhidzo,

na ndila ine vha do elekanya nga Hae. U a da tshifhinga tshothe. Vhunga vhatu vha Mudzimu, musi vha tshi dzhena vhulemeni, huno vha rabela, zwenezwo Mudzimu u vha nea zwine vha zwi rabelela, fhedzi U zwi nea nga ndila ine ya vha yavhuqi khavho. Huno vho Li hana, ngauri a Li di nga ndila ine vha elekanya uri Li tea u vha lo da. Vho landula Ipfi lo doliswaho la Mudzimu, huno Ndi ene Ipfi.

⁴⁴ Zwino, Mudzimu, kha zwikhathi zweithe, nga zwifhinga zweithe, musi A tshi thoma, "Musi O amba Ipfi Lawe zwifhingani zwinzhi nga kha vhaporofita, kha aya maduvha a u fhedzisela nga kha Yesu Kristo, Murwa Wawe," ri wana uri vhuñwe na vhuñwe ha izwo zwiporofito ho vha hu ha u fanela tshiñwe tshikhathi. Vhunga Khosi Nebukadanetsara musi o vha e na uyu muloro, huno shango la Vhannda u bva thohoni u ya milenzheni, huno Daniele a nea thalutshedzo ya uyu muloro; uyo wo vha u—u vhuporofita kha shango lothe, ha lini na lini, khethekanyo iñwe na iñwe ya Muvhuso wa Vhannda, vhunga i tshi do bva thohoni u swika milenzheni. Huno vhaporofita tshifhinga tshothe vho amba Maipfi a no tea u bvelela kha tshikhathi tshiñwe na tshiñwe. Huno musi Mudzimu . . .

⁴⁵ Vhatu vha dzhena vhulemeni, huno Mudzimu u a vha fhindula. U vha rumela muporofita o doliswaho kana luñwe lushaka lwa mudinda, ngauri A nga si kone u humela murahu kha Ipfi Lawe le A li tela itsho tshikhathi. Fhedzi, zwine A ita, U ruma mudinda u ita itsho tshipida tsha Ipfi uri tshi tshire kha itsho tshikhathi. Tshifhinga tshothe u a zwi ita, ni a vhona. O vhumba Ipfi Lawe ngei mathomoni. O divha vhufhelo u bva mathomoni. O amba Ipfi Lawe. Huno tshikhathi tshiñwe na tshiñwe, musi vha tshi dzhena vhulemeni, vha do . . . vha do rabela, huno Mudzimu u do rumela muñwe o doliswaho. Huno uyo muñwe o doliswaho zwa vhukuma u do ita iyo pfulufhedziso ya itsho tshikhathi, ye ya bvumbelwa itsho tshikhathi, uri i tshire. Huno izwo ndi zwine A ita tshifhinga tshothe. Mudzimu ha shandukisi tsumbamushumo Yawe na khathihi. Zwino, na khathihi a ri wani Mudzimu a tshi shandukisa.

⁴⁶ Mudzimu o zwi dzudzanya nga tshiñwe tshifhinga, uri U do tshidza muthu hani, afho ho vha hu ngadeni ya Edeni, fhasi ha malofha o shuluwaho. Ro lingedza sisteme iñwe na iñwe, u bva kha mañari a muhuyu u ya kha pfunzo, saikholodzhi, dinomineisheni dla sisteme, na zwiñwe-who, huno tshipedu tshiñwe na tshiñwe tshayo tsho—tsho landulwa; huno na khathihi a yo ngo shuma, i nga si shume na khathihi. Mudzimu u do tangana na muthu fhasi ha Malofha o shuluwaho, huno afho ndi hone fhetu fhedzi hune A do vhuya a tangana nae, ngauri iyo yo vha i tsheo Yawe ya u thoma. A nga si tangane na muthu fhasi ha luñwe lushaka lwa sisteme ya milayo ya vhudifari. Ene na khathihi a nga si, a hu na ndila shangoni! U tou da henefho murahu kha Ndila ya Mudzimu, izwo ndi zwe

A amba u thoma. Huno Ha na magumo, ha koni u shanduka, huno tshifhinga tshothe U a fana. Afho ndi hune A ḥangana na muthu, huno heneffo fhedzi. Itsho ndi tshone tshi itisaho uri ri kundelwe u vha na vhuledzani ɬamusi, itsho ndi tshone tshi itisaho uri tshivhidzo tshi fhandekane nga maanda, ngauri tshiñwe na tshiñwe tsho fhandekana kha sisteme, huno, musi vha tshi ita izwo, zwenezwo Mudzimu u a vha ḥanutshela, heneffo. U ḥoda riñe ri tshi ḥangana fhasi ha Malofha, hune ra vha na zwithu zweþe zwi shumisanaho, fhasi kha Tshifhambano. Ndivho fhedzi ya Mudzimu ya u zwi ita nandi! Mudzimu tshifhinga tshothe u rumela Ipfi ḥawé.

⁴⁷ Huno ri a wana, ɬamusi, uri shango ɬamusi li tou fana na zwe la vha li zwone nga iþo ḫuvha; li tshi diwana, sisteme yaþo ya politiki, na zwiñwe-who, zweþe zwi tshi khou kwashkana, na u ḥoda Mesia ane a do li fara fhethu huthihi.

⁴⁸ Zwino, ipfi mesia li amba “o doliswaho,” tshiñwe tshithu tsho doliswaho. Mudzimu! *Iyi* ndi nzumbululo ya Yesu Kristo, Bugu yoþe yo pfuñelwa nga Mapfundo a Sumbe a nzumbululo ya Yesu Kristo. Yesu Kristo o vha o ralo kha Genesi; Yesu Kristo o vha e vhukati ha Bugu. Yesu Kristo o vha e kha—kha Ekisodo na Genesi, huno O vha e vhukati ha Bugu huno O vha e kha—kha Testamente Ntswa, na kha Nzumbululo huno thwii u swika vhufheloni, “a sa shanduki mulovha, ɬamusi, na lini na lini.” Zweþe ndi Mudzimu!

⁴⁹ “Mathomoni Ipfi lo vha li hone, huno Ipfi lo vha li na Mudzimu, huno Ipfi lo vha li Mudzimu. Huno Ipfi la itwa ɬama huno la dzula vhukati hashu.”

⁵⁰ “Mudzimu zwifhingani zwinzhi na nga mikhwa yo fhambanaho o amba na vhokhotsi nga kha vhaporofita.” Musi Ipfi la Murena lo ðela vhaporofita, na vhone fhedzi, ngauri vho vha vho doliswaho nga Ipfi, vho vha vhe na pfanelo ya u ḫalutshedza Ipfi. Huno Mudzimu o sedza nga khavho, a tshi khou phuruva uri Ipfi lo luga. “Arali nne...ha vha na muñwe vhukati hanu a re wa tshimuya, kana muporofita, Nne Murena ndi do Didivhadza khae. Huno arali zwine a zwi amba zwi tshi da zwa khunyelela, zwenezwo ni mu pfe. Arali zwi sa khunyeleli, ni songo mu pfa.” Izwo a zwi fhiri u humbula zwavhuði, kha muthu muñwe na muñwe.

⁵¹ Zwino ri a diwana hafha, kha maðuvha a u fhedzisela zwino, musi ri tshi khou ḥoda u Da ha Murena hafhu.

⁵² Zwo luga elelwani mureri wa kale wa Mubaphuthisi we a nnodovhedza Dzinani la Yesu Kristo, musi ndo vha ndi tshi kha di tou vha mutukana muþuku. Huno o vha a tshi anzela u rera iþi thoho na nne, nga ha Yohane Mulovhedzi. A ri, “Mukomana Billy,” a ri, “musi Yohane...Musi A tshi ri, ‘Litsha zwi ralc,’ huno zwenezwo a Mu kondelela.” A ri, “Zwenezwo Yohane, a lovchedza...Yesu a lovchedza Yohane, ngauri ri a ðivha Yohane

uri na khathihi ho ngo lovhedzwa, huno naho zwo ralo o vha a tshi khou rera ndovhedzo.” Zwo luga, izwo tshifhinga tshothe zwo nthithisa, zwițuku.

⁵³ Zwenezwo hafha hu si kale, zwo dzumbululelwā nne, nga iyi ndila, uri heneffo ho ḥangana kha iļo tivha, kha uyo mulindi wa mađi, vhađinda vhavhili vhahulwanesa vhe shango la sa vhuye la vha vhona: mu—munna o vha e nga ntha ha vhaporofita vhothe, we a vha e Yohane, “a ho ngo vha na munna we a bebwa nga musadzi, muhulwane u fana na ene”; huno heneffo ho vha hu na Mudzimu, Ene muňe, o vhonadzwaho nga muvhili wa n̄ama. Huno elelwani, huno Bivhili i a ri vhudza uri, “Ipfi la Murena li dela muporofita.” Huno musi Ipfi li tshi itwa n̄ama; hafha ho ima muporofita mađini. Huno Ipfi na muporofita vho da fhethu huthihi, vho divhana! Ndi zwone. Ipfi Łone ħine, la itwa n̄ama, Murwa wa Mudzimu a ita vhudzulo muvhilini, a da kha muporofita, mađini.

⁵⁴ Muporofita o ri, “Ndi na ḥodea ya u lovhedzwa nga Iwe, huno ndi ngani U tshi da kha nne?”

⁵⁵ A ri, “Litsha izwo zwi tshi ralo, ngauri zwo ri tea u khunyeledza u luga hothe.”

⁵⁶ Dzhielani nzhele! Yohane, e muporofita, o divhā uri O vha e Tshiħavhelo. Huno tshiħavhelo tshi fanela u tanzwiwa tshi sa athu nekedzwa sa tshiħavhelo. Huno itsho ndi tshone tsho itisaho uri A tee u lovhedzwa.

⁵⁷ Oo, namusi, zwo tea kha riñe, uri ri khunyeledze u luga hothe ha duvha ħashu. Awara i fhano. Bivhili i a ri vhudza zwine zwa tea u vha zwi tshi khou bvelela kha lino duvha. Ri a divhā zwine Bivhili ya amba uri zwi do itea kha lino duvha. Zwi kha riñe u farelela kha Mudzimu u swika izwi zwithu zwi tshi bvelela. Ndi awara! Rabelelani muňwe o doliswaho ane a do ri nea thengululu ine ra khou i ḥoda, ngauri Mudzimu o i fulufħedzisa.

⁵⁸ Vho landula Ipfi la Mudzimu lo doliswaho tshifhingani itsho, huno ngauralo la wa, la kwashekana. Huno hafhu ri a wanulusa, nga itshi tshifhinga, li khou kwashekana hafhu. Ndi a wanulusa, vhunga ndo amba, politiki dzashu dzo tshinyala, vhutshilo ha tshivhidzo thashu ho tshinyala. Naa ho itea mini? Hafha ndi zwe ya ita; musi ni tshi ḥuwa afho, tshifhinga tshiňwe na tshiňwe, kule na tsumbamushumo ya Mudzimu, ni do wana u tshinyala. Hu nga si kone u ima. Ipfi la Mudzimu a li kundelwi, huno a hu na tshithu-vho tshi no do dzhia fhethu Halo, na khathihi tshi nga si kone.

⁵⁹ Sisteme yashu ya pfunzo, sisteme yashu ya dinomineisheni, yo dzhia fhethu ha Muya Mukhethwa u tshi khada tshivhidzoni. Pfumbudzo yashu khulwane yavhuđi ya vhashumeli na zwithu yo itea ya—ya miħangano ya thabelo ya vhusiku hothe, huno ndila ya tshifhingani tsha kale ro vha ri tshi anzela u swika kha Mudzimu. Zwino, vhudzuloni ha u vha na vhareri, ri na

vhalekhitshara, vhanna vha ḋivha Ipfi zwavhuđi, vha nga kona u dzula heneffo huno vha Li vhee fhethu huthihi nga ndila ine ya vha uri i a mangadza nga ndila ine vha kona u ita. Vha a ḋivha mekhanikhe, fhedzi izwo a si Mashumele. Ri ṭoda Mashumele. A thi londi nga ha mekhanikhe; ndi ṭoda u ḋivha Mashumele. Naa A ita mini?

⁶⁰ A thi ḋivhi uri ula modoro u gidima hani ngei nnđa. U na dziphisiton i na dzisailinda, huno a thi ḋivhi uri yo shumisa mutsiko munngafhani. Tshithu fhedzi tshine nda ḋivha ndi mashumele, u u vhea heneffo nnđa huno nda u reila.

⁶¹ Izwo ndi zwine ra ḋivha, Mudzimu o ita pfulufhedziso, “Ndi do shulula Muya Wanga kha nama yothe, vharwa vhanu na vhananyana vha do porofita.” Naa U khou yo zwi ita hanī? Ndi nga ni vhudza. Ndi ṭoda u tou ḋivha Mashumele a sisteme ya Mudzimu. Itsho ndi tshone tshithu tshihulwane.

⁶² Namusi ro guda mekhanikhe u swika zweṭhe zwi zwa mekhanikhe. Naa vhudi ndi vhufhio kha modorokara u si na tshiňwe tshithu ngomu hawo tsha u u reila? Naa vhudi ndi vhufhio mavhone arali—arali... kana zwitewa, arali hu si na lutsinga lwa u dzhena ngomu hao? Ni a vhona, ri na mekhanikhe yothe, ri na zwikolo na vhafunzedzi, na vhanwe-vho, vhane vha nga kona u pfumbudza muthu, u swika a tshi nga kona u ima kha phuluphithi nga mikhwa yo raloho u swika a tshi vha muthu wa u amba zwavhuđi. Izwo zwi kha di vha zwi sa ḋisi Maanda a Mudzimu. Naa Maanda a Mudzimu a ngafhi e a vha a tshi anzela u vha kha tshivhidzo? Naa iyo Phaṭhutshedzo ya pentekoste i ngafhi ye ya vha i tshi anzela u elela nga kha zwivhidzo? Itsho ndi tshone tshi itisaho uri shango ḥashu li kwashekane, ngauri ro ṭutshela kule na milayo ya vhukuma ya Mudzimu, na vhanna vho funzwaho ngomu kha dzisisteme na zwithu. Huno izwo ndi zwe zwa ri dzhenisa kha nyimele ine ra vha khayo ḥamusi. Ndi a tenda uri itsho ndi tshone tshi itisaho uri shango ḥashu li kwashekane.

⁶³ Idzi episode dzo vha kha lifhasi u bva tsha mađuvha a Noaxe. Ri a wanulusa musi zwa Mudzimu... e na Noaxe, muporofita wa u luga, a tshi khou ya phanda na mulaedza wawe, ho vha hu na episode ya vhuada nga ilo ḅuvha, vhunga Bivhili yo amba, “Vha tshi la, vha tshi nwa, vha tshi mala, vha tshi maliwa.” Ri a wanulusa, u ḥesa na vhuada, na zwiňwe-vho, zwo itea nga ilo ḅuvha. Huno zwenezwo shango lo kwashekana ngauri vhatthu vho landula mulaedza wa Mudzimu, wa ilo ḅuvha. Noaxe o vha e muporofita o doliswaho nga Mudzimu, o rumiwaho nga Mudzimu, e na mulaedza u bvaho ha Mudzimu, huno a nea vhatthu tsivhudzo khaṭhulo i sa athu da. Huno vho mwemwela na u sea, huno vha tambo ngazwo, huno vha hoyo, huno sisteme yothe ya kwashekana, nga ilo ḅuvha, huno vha nwela khothe fhasi ha malwanzhe. Izwo ndi zwone. Ndi ngani? Vho landula mulaedza wa awara.

⁶⁴ Ri a wanulusa zwenezwo zwithihi zwe zwa itea kha la Egipita, musi Mushe o ranga phanda vhana vha Isiraele nn̄da. Sisteme yothe ya Egipita yo vha yo no tshinyala. Huno ri a wana zwino uri two itea hafhu, musi Mudzimu a tshi rumela mudinda phasi henengei u itela Ipfi Lawe. Ho vha hu u khunyeledza Ipfi Lawe.

Inwi ni ri, “Naa yo vha i ya u khunyeledza Ipfi Lawe?”

⁶⁵ O vhudza Abrahamu izwo kokotolo zwine A do ita. Huno ho do tea u vha na muñwe a no da vhuponi, nga itsho tshifhinga, u ita uri ilo Ipfi li tshile heneffo phanda havho. Mudzimu o vha o no rumela Mushe Wawe henengei phasi, huno, tshithu tshenetsho tshe A fulufhedzisa u ita, o tshi ita, ngauri o vha e Ipfi lo doliswaho la iyo awara. O amba uri zwi do haṭula ilo shango. Ipfi la Mudzimu lo ri, “Ndi do haṭula ulwo lusħaka nga zwimangadzo zwiħulwane, zwa maanda na zwiga.”

⁶⁶ Heneffo ho ima munna, munna zwawe fhedzi a no nga inwi kana nne, o wana Ipfi li bvaho ha Mudzimu, huno a bva heneffo huno a amba tsiko ya vha hone. Ha pfi, “I ri ni . . .” A doba muṭavha, huno a ri, “I ri ni madzedze a de a tshi bva kha liphasi.” Huno Ipfi la Mudzimu, nga kha mulomo wa uyo muporofita, zwi uri two vha two luga nga awara ye zwa vha zwi tshi tea u vha hone, madzedze a fukedza liphasi lothe. O fukedza liphasi nga zwidula, nga dzinnda. O li fukedza nga tshaka dzotha dza-dza vhulwadze na zwithu. Ngauri, Mudzimu o ita pfulufhedziso, huno awara yo vha i heneffo uri li doliswe, Ipfi lo doliswaho kha iyo awara ye vha vha vha tshi khou tshila khayo.

⁶⁷ Ilo ndi lone line ra li ḥoda namusi, a si nga ngomu ha iñwe sisteme ya seminari, fhedzi Ipfi lo doliswaho la awara ine ra khou tshila khayo, u q̄isa phanda Yesu Kristo kha shango hafhu. “A sa shanduki mulovha, namusi, na lini na lini.” Hu na—hu na mbekanyamushumo yo vhetshelwaho ili ḫuvha, pfulufhedziso ya Mudzimu. Huno ndila fhedzi ine ra do kona u vha vho lugaho, ndi u tendela ilo Ipfi li tshi doliswa. Izwo ndi zwone. Tshifhinga tshothe zwe bvelela. Ee.

⁶⁸ Ri a wanulusa tshikafhadzo khulwane ya mikhwa yavhudī mađuvhani a Nebukadanetsara. O vha e na munna o doliswaho. Musi muñwalo wa tshanda u tshi da kha luvhondo, O vha e na munna we a kona u u vhała.

⁶⁹ Mađuvha a Lota na Sodoma, ri a wanulusa hafhu shango li tshi khou kwashékana. Mudzimu o tshidza vhe vha vha tshi kona u tshidzwa, khalo.

⁷⁰ Mađuvhani a Yesu Kristo, ri a wanulusa uri sisteme dzo itwaho nga muthu dzo isa shango kha nyimele yo raloho, na politiki yavho ya ilo ḫuvha, u swika, vhone, shango lothe li tshi kwashékana, kha Khushumusi ya u thoma.

⁷¹ Zwino ro ita zwenezwo zwithihi, ro humela heneffo murahu u mona hothe huno ra tshinya Ipfi la Mudzimu, nga vhurereli

ha sisteme, u swika ri tshi li wana li tshi kwashekana. Naa ndi ifhio sisteme nthihi ine ri nga ditika ngayo zwino? Naa ri nga ya kha sisteme ifhio, Methodisi, Baphuthisi, Puresbiterieni, kana sisteme ya Pentekoste? A hu na tshithu na luthihi tshine ri nga ita nga nn̄da ha u vhuya murahu kha ilo Ipfi lo doliswaho la pfulufhedziso ya ino awara. Idzi sisteme a dzi na nungo, dzi shaya nungo. Dzone, dzone dzi, ndi sisteme dzo itwaho nga muthu, huno a dzi nga ni tshidzi. A hu na Vhutshilo khadzo. Vhutshilo fhedzi vhu kha Ipfi la Mudzimu. Ndi Vhutshilo. O amba nga u ralo.

⁷² Huno ndila yo vha i yone tshifhingani itshe, musi vho vha vha tshi khou rabela, vhatu vha diwana magumoni a lwendo lwavho, kana magumoni a thambo dzavho, sa zwe zwa vha zwi zwone mađuvhani a Noaxe na mađuvhani a Mushe, na vhañwe-vho. Musi vha tshi diwana, uri vha nga si kone u ya phanda, zwenezwo vha thoma u rabela. Huno musi vha tshi thoma u rabela, Mudzimu tshifhinga tshołthe u a fhindula. Zwenezwo Yesu a bebwa.

⁷³ Shango nga itshe tshifhinga, vhunga ndo amba, lo vha li tshi khou kwashekana. Lushaka luñwe na luñwe lwo vha lu tshi khou ṭoda mesia, sa zwine ra vha zwone ɬamusi. Roma yo vha i tshi khou ṭoda muđivhi muhulwane we a vha a tshi nga kona u da vhukati havho, mu—muthu muhulwane we a vha e na maano ołthe a zwa mmbi, lwe a vha a tshi nga kona u ya nga hangei huno a kandekanya Gerika na shango ɬołthe. Gerika lo vha li tshi khou ṭoda zwenezwo zwithihi, muñwe muthu we a vha a tshi nga vha vhudza uri vho vha vha tshi nga kunda hani shango ɬołthe.

⁷⁴ Shango la Vhayuda la vhurereli la ilo ɬuvha lo vha li tshi khou ṭoda mudzhenerala. Vho elekanya uri hu do da Mesia fhasi a tshi bva Tađulu, e na mugó muhulwane wa tsimbi zwandani zwawe, huno O vha a tshi do rwa Roma fhasi, a vha kandekanya huno a vha gidimisela ngomu lwanzheni. Huno vhołthe heneffho, vho vha vha tshi khou ṭoda ulwo lushaka lwa munna. Vho vha vha tshi ṭoda mudzhenerala.

⁷⁵ Vhunga vhołthe vhunga dinomineisheni dzashu dza ɬamusi, dinomineisheni dzashu dzi khou ṭoda munna wa n̄thesa. Lushaka Iwashu lu khou ṭoda munna wa n̄thesa. Rashia i khou ṭoda munna wa n̄thesa. Shango la vhuvbaduvha li khou ṭoda muñwe. U.N. i khou ṭoda muñwe. Zwivhido zwi khou ṭoda muñwe. Fhedzi ndi lushaka-de lwa muñwe ane vha khou mu ṭoda?

⁷⁶ Rashia i khou ṭoda mesia o doliswaho nga—nga maluvhi lune a ɬivha ndila ya u vha kundela tshikhala tsha nga nn̄da, vha fhirela muñwe na muñwe u ya ɬwedzini. Vha ṭoda u kunda shango. Izwo zwi tou...

⁷⁷ Fhedzi, inwi ni a vhona, musi vha tshi humbelia izwi zwithu, vha tshi humbelia izwi, a vha humbelia sa Yesu o amba. Ri lingedza

u ita Mudzimu vhunga—vhunga mutukana a shumelaho vhañwe, “Murena, Iwe nnyitele *itshi!* Huno Iwe nnyitele *itshi!* Huno Iwe u ye u ita *itsho*,” ra Mu vhudza zwine a tea u ita.

⁷⁸ Yesu o ri, “Musi ni tshi rabela, rabelani nga uyu mukhwa, ‘Khotsi ashu Uyo A re ngei Tađulu, Dzina Lau nga li khethwe. Muvhuso Wau u de. Lufuno Lwau lu itwe.’” Ndi nnyi, a no wana hune ra ita izwo? Tshifhinga tshothe ri ḥoda Mudzimu a tshi ri shumela, kana u ri itela tshinwe tshithu. Fhedzi musi ri tshi funa u ri, “Lufuno Lwau lu itwe,” ra díkumedza kha Ene, ra kumedza ndila dzashu kha Ene. Zwothe zwine ra vha zwone, ri zwi kumedza kha Ene. Afho ndi musi Mudzimu a tshi do sudzuluwa, musi ni tshi funa u Mu tendela uri a shume kha inwi, hu si uri inwi ni shume kha Ene.

⁷⁹ I ri ni A ni vhudze, hu si uri inwi ni Mu vhudze huno na mu thwista u mona hothe. “Ida kha sisteme yashu, O Murena Mudzimu, ri ite rothe vha Methodisi, rothe vha Pentekoste, vha lange vhothe. Ri ḥoda mudivhi, riñe vhathe vha Pentekoste, riñe vha Methodisi na Baphuthisi.” Ri na dziseminari, ri tshi khou fhaṭa khulukhulu, ri tshi ri, “Vhu—vhufhelo ha tshifhinga ho sendela, u Da ha Murena,” ri tshi fhaṭa seminari dzo fanelaho dolara dza dzimilioni, na zwiñwe-vho. Ri tshi khou lingedza mini? U díwanela mesia. Izwo ndi zwone.

⁸⁰ I ri ni Murena a vuse tshinwe tshithu huñwe fhethu, dinomineisheni iñwe na iñwe i wana muñwe wa lushaka luthihi. Izwo ndi kokotolo. Wanulusani. Sedzani phodzo ya Muya i tshi rwa, ndi vhanngana vhafhodzi vha Muya? Muñwe na muñwe u tea u vha mufhodzi wa Muya.

⁸¹ Ho vha hu na Mushe muthihi mađuvhani a uho u bva. Ho vha hu na Eliya muthihi, Elisha muthihi, Yesaya muthihi, na vhañwe-vho.

⁸² Zwino ri a wanulusa uri shango li ḥoda mesia wavho. Rashia i ḥoda wayo, huno United States i ḥoda wayo, tshivhidzo tsha shango tshi ḥoda watsho. Muñwe na muñwe u ḥoda mesia wawe, fhedzi vha a mu ḥoda nga ndila ine—ine vha nga kona u mu langa. Vha ḥoda u vha na ndango kha uyu mesia. Oo, ngoho. Ina, vhone, arali vha tshi nga vha nae. Arali Mudzimu a tshi do mu rumela nga mutetshelo wa vhone vhañe, zwa vhukuma vho vha vha tshi do mu ḥanganedza. Fhedzi ni a vhone, tshifhingani itsho, Mudzimu o ḫivha ḥodea dzavho. Ene, Ene ho ngo fulufhedsisa u ri rumela ḥodea dzashu na zwine ra humbelo, fhedzi ḥodea dzashu.

⁸³ Vho ḥoda mudzheneral; vho wana Lushie. Ni a vhone, itsho ndi tshe vha ḥoda. Vho ḥoda lushie (mini?) u vha tsitsela fhasi, u vha ḫukufhadza.

⁸⁴ Izwo ndi zwine tshivhidzo tsha tshitaela tshatsho tsha ḥoda ñamusi, u ḫitukufhadza murahu hafhu. Ni ya fhethu, a hu na ú bula huno a hu na lufuno vhukati ha vhathe. Hu vhonala hu

tshi nga ndi u fa ḫuvha liñwe na liñwe. Tshivhidzo tshi khou rotholela. Huñwe na huñwe, inwi ni wana uri mvuseledzo yo fhela, huno ni wana u rotholelwa. Ri ṭoda u tsitselwa fhasi. Huno riñe...

⁸⁵ Vho humbela mudzhenerala; huno vha wana Ngwana. Ndi ngani? Izwo ndi, Mudzimu o ḫivha zwe vha ṭoda. Izwo ndi zwe vha ṭoda. Vho ṭoda Mutshidzi. Vho elekanya uri vho vha vho tshidzwa, fhedzi Mudzimu o ḫivha uri vho vha vha songo ralo.

⁸⁶ Huno izwo ndi zwine shango la ṭoda ḥamusi, hafhu, ndi Mutshidzi, Mutshidzi wa iyi nyimele, tshiñwe tshithu tshine tshi nga li fara fhethu huthihi. Hu si muvhuso wo funzeaho, luñwe lushaka lwa sisteme yamekhanikhe, kana luñwe lushaka lwa sisteme ya pfunzo. Zwine ra ṭoda ndi Maanda a Murena Yesu Kristo, na tshilidzi tsha u tshidza, murahu kha tshivhidzo hafhu, musi vhabba, vhasadzi, vhatukana, na vhasidzana, vha tshi nga tshidzwa.

⁸⁷ Naa ro lindela tshifhinga tshilapfusa? Naa hu na vhanzhi nn̄da vhanne vha nga si dzhene ngomu? Naa dzina la u fhedzisela lo rengululwa? Naa iyo ndi yone ine ya vha thaidzo ḥamusi? I nga vha yone, inwi ni a ḫivha. Inwi ni a ḫivha, i—i nga vha yone nga ndila i leluwaho, huno na khathihi ya sa tshinyadze Mañwalo, na luthihi. I nga vha. Ngauralo, a ri ḫivhi zwino, kha ri ḫogomele.

⁸⁸ Fhedzi vho elekanya uri vho tshidzwa, huno—huno, fhedzi Mudzimu o ḫivha zwa khwine u fhira zwe vha ita. Huno zwenezwo zwithihi zwi a bvelela ḥamusi.

⁸⁹ Vho no dzhia Ipfi le Mudzimu a vha nea lone la ilo ḫuvha, le vha vha vho fanela u vha vho li ḫivha ngā ḫuvha le Å vha a tshi khou da, huno o no ita maitele Ngalo. Yesu o ri, “No dzhia Ipfi la Mudzimu huno na Li ita li si na masiandoitwa, nga maitele a vhoinwi.”

⁹⁰ Izwo ndi zwenezwo zwithihi zwe zwa bvelela ḥamusi kha shango lashu la sisteme, sisteme ya vhurereli. Sisteme dza shango dzo dzhia Ipfi la Mudzimu huno dza Li ita la maitele. Huno itsho ndi tshone tshi itisaho uri Li si vhe na masiandoitwa KHALO. A hu na tshithu tshine tsha do bva KHALO, ngauri Lo no ḫanganyiswa.

⁹¹ Inwi ni nga si vhee livhele la vhukuma kha tshiñwe tshithu tshine tsha sa do ralo, nga nn̄da ha musi tshi lifhasi, huno tshi nga si aluwe. Inwi ni nga tshi vhea ḫuvhani huno na dzula no tshi dudedza, ni nga ita zwine na ṭoda, fhedzi tshi dzhia luñwe lushaka lwa lifhasi. Tshi fanela u vha ngomu heneffo. Tshi fanela u swiñwa. Tshi fanela u vha fhasi ha dzingamufhe li re lone, u tshi ita uri tshi bveledze.

⁹² Huno ngauralo Ipfi la Mudzimu li a ita! Inwi ni nga si dzhie tshivhidzo huno na tshi disa kha vhutshilo, kha mañwe maitele. Inwi ni nga di disa mirado, nga dzimilioni, fhedzi ni nga si dise fhasi Maanda a Mudzimu na khathihi u swika ri tshi ya

murahu kha Ipfi la vhubvo hafhu, murahu kha Ipfi la mutheo, murahu kha Malofha, murahu kha—kha Yesu Kristo, murahu kha mi tangano ya thabelo ya fesheni ya kale, na murahu kha Mudzimu! Ri nga di vha ro ya kule nga maanda, zwino, uri awara yo fhira kale. Fhedzi, naho zwo ralo, Mafhungo-madifha a fanela u rerwa. A ri tei u ha tula izwo.

⁹³ Mudzimu o divha zwe vha vha vha tshi zwi ḥoda, ngauralo A vha nea zwe vha ḥoda. Ngauralo hafhu, ri a wana, zwe vha vha vhe nazwo, ro ita zwenezwo zwithihi.

⁹⁴ Rashia na vhañwe vhothe vha ḥoda zwavho. Huno vhorasaintsi vho fhambanaho vha ḥoda u diitela dzina līhulwane. Lushaka luñwe na luñwe lu ḥoda u wana munna wa vhuluvhi walwo. Ri ḥoda washu. Ri ḥoda sisteme ya pfunzo khayo. Ri ḥoda vhudinomineisheni. Izwo ndi kokotolo zwine ra vha nazwo. Izwo ndi zwe na ita. Izwo ndi zwe na ḥoda, izwo ndi zwe Mudzimu a ni nea zwone. Zwino ni khou yo ita mini ngazwo nga murahu ha musi no no zwi wana?

⁹⁵ Ri khou amba nga ha Rashia lwa muñwe muniti. Vharashia vha khou vhidza munna ane a nga kunda tshikhala. Vha khou vha pfumbudza nga u ḥavhanya u ya nga hune vha kona, vhorasaintsi vhavho. Mini-ha arali vha wana muthihi, mini-ha arali vha wana mesia wavho, zwine ra khou yo ita? Huno khathutshelo kha riñe arali vha mu wana! Elelwani, Dzheremane yo wana mesia o raloho hu si kale, hu si kale-kale, ene Hitler. Huno ri a divha zwe a ita khavho.

⁹⁶ Zwino mini-ha nga ha tshivhidzo, naa tshivhidzo tshi khou ḥoda mesia wa lushaka-de, namusi? Inwi, tshivhidzo, tsho lilesa. Ngauralo, naa ri khou huwelelani nga ha mesia, naa ri khou huwelela mini? “Mvuseledzo nga tshifhinga tshashu! Murahu *itshi, itsho, na tshinwe.*” Naa vha khou ḥoda mini, u zwi ita? Naa ndi mini zwo engedzeaho zwine na ḥoda? Naa tshivhidzo tshi ḥoda mini, naho zwo ralo?

⁹⁷ Ro no di Mu wana! Mudzimu o ri nea Ene. Ndi pfulufhedziso Yawe ya ino awara. Ri sedza ngomu Bivhilini, ri zwi vthona huñwe na huñwe nga kha Bivhili. Vhadodzwa vha a da huno vha ita uri i lo Ipfi li tshile hafhu, heneffo nga awara ya iyo awara. Huno ri na Mesia. Uyu ndi Ene, Ipfi! “U rangani ho vha hu na Ipfi, huno Ipfi o vha e na Mudzimu, huno Ipfi o vha e Mudzimu.” Huno Ipfi li di dzula li Mudzimu, Vhaheberu 13:8, “Ha shanduki mulovha, namusi, na lini na lini.” Ri a divha zwine zwa khou tea u itea nga ili duvha. Ri khou ḥoda Mesia. Huno Mudzimu o ri nea Mesia, Ipfi lo fulufhedziswaho Lawe la ili duvha. Li khou tou ḥoda muñwe muthu a re na lutendo, u Li dolisa na u Li ita uri li tshile hafhu. Ee, mune wanga. Ndi Mesia wa vhukuma, Ndi wa Ipfi la Mudzimu. Zwine, Yesu o ri, “Maṭadulu na lifhasi zwi do lovha, fhedzi Ipfi Langa a li nga lovhi na khathihi.”

⁹⁸ Fhedzi tshivhidzo tsho dzula tsho fa nga lwa tshimuya, tsho ṭuwa, awara yo vha fhira. Hu na u wa ha mitengo, huno a hu dihwı tshire tshi nga itwa, muñwe a tshi gidima thungo *iyi* huno muñwe thungo *iyo*. Huno hafha pfulufhedziso inwe na inwe ye Mudzimu a ita Bivhilini, inwe na inwe yadro, i heneffo u tou vha yavhudı sa zwe dza vhuya dza vha hone. Ndi awara! Naa ndi mini tshi no ita tshivhidzo nga ndila *iyi*? Ri kha tshikhathi tsha Laodikea, musi tshi tshi tea u da nga *iyi* ndila. *Iyi* ndi awara yawzo.

⁹⁹ Fhedzi elelwani, ngomu heneffo ndi awara ye musidzana o edelaho a da u renga Mapfura, huno iyo yo vha i awara yeneyo nthihi ye Muhwe a da. Ri a wana ḥamusi, Vhaepiskopalieni, Vhapuresbiterieni, na dinomineisheni dzo fhambanaho, idzo, miñwaha i si gathi yo fhiraho, no vha ni si nga koni u vha no hira u mona tshivhalonyana tsha vhatendi vha Pentekoste. Zwa vhukuma hai. Fhedzi heneffo vha hone, ḥamusi, vha tshi dzhena. Naa a ni divhi zwe Yesu a amba? Vha a dzhena ngomu u renga Mapfura, huno vha ri, “Ri ḥneeni marwae a Mapfura anu.” Vhe vha vha vhe na Mapfura, vha ri, “Hu si nga u ralo. Iyanı ni A renge, hu si . . . kha avho vha no A rengisa.” Huno musi vho vha vha tshi khou lingedza u A renga, huno musi vha tshi khou lingedza u A wana! Naa ni a divha awara ine ra khou tshila khayo, whathu vha Pentekoste? Musi vha tshi da, vha nga di vha vho wana ndado, vha nga di vha vho ita *itsi*, *itsho*, kana *tshinwe*; fhedzi, u ya nga Marwalo, a vho ngo A wana. Musi vha tshi khou lingedza u zwi ita, vha nga di vha vho ya nga kha minyanyuwo yothe, huno zwenezwo kha isms dzothe na lupfiwa, fhedzi diabolo a nga kona u edzisela izwo zwithu zwithe. Musi vha tshi khou A renga, kana u lingedza u A wana, Muhwe a da, huno avho vhe vha vha na Mapfura vha dzhena ngomu.

¹⁰⁰ Huno heneffo ndi awara ine ra khou tshila. A ro ngo i vhona u rangani na khathihi. Yesu o amba uri zwi do ralo, zwenezwo zwo ralo! Naa ri khou vhona mini? Ri khou vhona Ipfi, le Mudzimu a ri li do bvelela nga ili ḫuvha, u bvelela heneffo fhasi ha zwifhaṭuwo zwashu. “Oo, zwenezwo karuwani, vhoinwi vhakhethwa vha Murena, ndi ngani ni tshi kumedza musi vhufhelo vhu tshi khou vha tsini; kha ri lugele iyo mbidzo ya u fhedzisela,” ngauri a ri divhi uri i do vha lini. Ee.

¹⁰¹ Sisteme yashu ya shango, sisteme yashu ya tshivhidzo, sisteme yashu ya dinomineisheni, sisteme dzashu dzothe, dzo tshikafhala na u tshinyala. Zwine ra zwi shaya ḥamusi ndi zwe vha vha vhe nadzo mulovha. Izwo ndi zwone. Zwi vhonala zwi tshi nga u oma, ha zwivhidzo, zwi a kondja u kona u wana tshivhidzo tshi no tshila na Ipfi na Muya wa Mudzimu, huno zwithu zwihulwane zwi tshi khou itea vhunga zwe zwa vha zwi hone hu si kale.

¹⁰² Zwino, ri a wanulusa uri Mudzimu u a divha zwe vha vha vha tshi zwi ḫoda, ngauralo Ene—Ene tshifhinga tshothe u fhindula

pfulufhedziso. Hu tou vha ili Ipfi lihulwane line ra li vhona, pfulufhedziso, vha tea u vha vho divha uri ho vha hu kokotolo zwe Mudzimu a fulufhedzisa, zwine zwa do itea nga ilo duvha.

Inwi ni ri, "Hani, naa ndi mini tshe tsha vha tshi tshi khou yo itea?"

¹⁰³ Yesaya 9:6, muporofita o ri, "Kha riñe Nwana o bebwa, Murwa, Nwana; Murwa o bebwa, Nwana o newa: huno Dzina Lawe li do vhidzwa 'Mueletshedzi, Mukololo wa Mulalo, Mudzimu wa Maanda, Khotsi wa Lini na Lini'; huno muvhuso u do vha kha mahada Awe, huno zwa Muvhuso Wawe a zwi nga fheli."

¹⁰⁴ Ri a divha uri ro vha ri vha u vha na Nwana a no bebwa nga ilo duvha, musidzana u tea u dihwala huno a disa Nwana. Huno A zwe ngo da nga kha iñwe ya sisteme dzavho, ngauralo-ha a vho ngo ḥoda tshithu tsha u ita Naño. Vho Li landula. Fhedzi Ipfi lo doliswaho, Mudzimu (Imanuele) o itwa qama vhukati havho, a ima heneffo, A ri, "Ndi nnyi wa vho inwi ane a nga Nthovhedza tshivhi, u sa tenda? Tolani Mañwalo, ngauri khao ni elekanya uri ni na Vhutshilo Vhu Sa Pheli, huno ndi one ane a ḥanziela nga ha Nqé." O vha o ḥaluswa zwi sa timatimisi uri O vha e Mesia, Mesia wa u do itea nga ilo duvha. Huno sisteme dzo—dzo ḥanganya ḥalukanyo dza vhatthu, kha milayo minzhi ya sisteme, na zwinwe-vho, u swika vho no ita Ipfi la Mudzimu u sa vha na masiandoitwa. A vho ngo kona u vhona uri O vha e Mesia.

¹⁰⁵ Huno sa zwe zwa vha zwi zwone tshifhingani itscho, ngauralo o zwi ita hafhu. Ndi zwone. Sisteme dza shango, mekhanikhe, yo dzhena kha dziphisitonu hune—hune ekezoso ya tea u vha hone, kha mashumele avho mahulu. Huno ngauralo-ha i nga gidima hani? Inga si kone u zwi ita. A yo ngo fhañwa nga iyo ndila.

¹⁰⁶ Tshivhidzo tshi nga si kone u gidima hu si na Maanda a Mudzimu, nga kha Ipfi. Huno Muya Mukhethwa u do khwañhisedza Ipfi la Mudzimu, ngauri izwo ndi zwine Wa tea u ita. Ndodzo ndi a u khwañhisedza Ipfi.

¹⁰⁷ Huno Yesu o vha e O Doliswaho, Ipfi lo itwaho nama. Itscho ndi tshone tsho itisaho uri A bve mañini heneffo, O vha e Ipfi li ñaho kha muporofita. O lovhedzwa nga muporofita. Huno muporofita tshifhingani itscho o vuwa, huno a ri, "Ndi fanela u ḥukufhala; Ene u do hula." Ri wana uri iyo ndi ndila ya Mudzimu ya u zwi ita.

¹⁰⁸ Fhedzi vho Li ḥanganedza? Vha tea u vha vho Zwi divha. Vha tea u vha vho sedza mishumo ya Mudzimu. Vho vhona Ipfi li tshi khunyelela. Vho divha uri Mañwalo o zwi amba, fhedzi a vha ngo kona u Zwi tenda uri zwi do da nga u ralo. Zwo do tea u da kana kha Vhafarisei kana Vhasadukei. Arali zwi tshi da kha Vhafarisei, Vhasadukei vho vha vha tshi do vha vha songo Zwi ḥanganedza. Nga u fhambanya, vhone—vhone Vhasadukei

vha nga si Zwi ṭanganedze, ngauri vho amba uri Vhafarisei vha do vha Nazwo.

¹⁰⁹ Huno iyo i tou vha ndila ine zwa vha ngayo namusi, sisteme dzashu, huno tshithu tshoṭhe tsho sina na u tshikafhala. Yawee, nne-nne! Awara ine ra khou tshila zwino, shango lo pofulaho, li tshi khou tshimbila swiswini, lo ima kha sisteme dza ili shango, vhunga nngu dzi si na mulisa. Musi vho no vha na Ipfi la Mudzimu a tshilaho o khwathisedzwaho phanda havho, huno vha tshimbila vha ya kule vho pofula, huno vha Zwi litsha, naa ni nga lavhelela hani tshiñwe tshithu-vho? Amene. Henefho ri hone.

¹¹⁰ Zwenezwo, shango li khou kwashekana. Ndi ngani? Ipfi lenelo le la zwi vhofha fhethu huthihi lo landulwa. Ri wana izwo kha Vhaheberu, ndima ya vhu¹¹.

¹¹¹ Einstein o amba. Ndo vha ndi tshi khou thetshelesa lekhitsha yawe, fhano nga vhuñwe vhusiku, New York City, zwe a ita iñwe ya lekhitsha dzawe. O vha a tshi amba nga ha tshivhunga, sisteme ya dzialedzi ḥukhu, ho vha hu, nn̄da kha tshivhunga. A ri, “Arali munna o thoma nga kha tshikhala, a tshi tshimbila nga luvhilo lwa tshedza . . .” Naa izwo ndi mini, zwigidi zwa malo . . . [Muñwe u ri, “Dana na zwigidi zwa fumalorathi.”—Mudz.] Dana na zwigidi zwa fumalorathi nga muthethe. “Zwi do mu dzhia dana, zwi mu dzhia dana na futhanu wa milioni dza miñwaha ya tshedza u swika henengei.” O wana Vhutshilo-tshoṭhe. Zwenezwo a ri, “U vhuya murahu, zwi do mu dzhia miñwaha ya milioni ya dana na futhanu, ine ya do vha miñwaha ya milioni ya madana mararu. Huno tshikhala, tsha uri o vha o ḥuwa kha lifhasi, tshi do vha miñwaha ya futhanu.” Henefho ni hone, no vunda ngomu ha Vhutshilo-tshoṭhe! Yawee, nne-nne! Vhuhulwane ha Mudzimu, musi A tshi ita sisteme yoṭhe ya ḫuvha!

¹¹² Huno uyu muendatshikhali, liñwe ḫuvha, a tshi fhufha u mona hoṭhe na Rashia heneffo, huno a ri ho ngo “vhona Mudzimu, Vharuñwa.” Nga ndila ine vhatthu vha nga vha vha sa ḫivhi! Musi . . .

¹¹³ Mudzimu! Huno sisteme yoṭhe ya ḫuvha, O i thuthubisa kha zwanda Zwawe; huno U dzula miñwaha ya milioni minzhi nga maanda, miñwaha ya tshedza, seli ha iyo. Huno tshithu tshoṭhe tshi tikedzwa nga Maanda Awe na Ipfi Lawe. Haleluya! Naledzi iñwe na iñwe i tea u nembelela fhethu hayo. Ee, muñe wanga! Zwenezwo, o vha a tshi diñkuufhadza lwo eðanaho u tsela phasi huno a itwa muñwe washu, u ri fela; a ri na tsha u qilandula ngatsho. Arali iñwe ya idzo ḥaledzi zwi tshi nga itea ya sudzuluwa kha sokhethe dzayo, ya vhumba obiti yayo hune ya vha hone, arali iyo i tshi do sudzuluwa, i do kwama sisteme yoṭhe. Sisteme yoṭhe i fanela u rembuluwa kokotolo nga ndila i fanaho, ngauri iñwe i ḫitika nga iñwe.

¹¹⁴ Huno sisteme ya Mudzimu, musi i kha nyandano lwo fhelelaho Nae, tshithu tsho the tshi shuma nga ndila yo fhelelaho. Izwo ndi zwone, ngauri zwi tea u ralo.

¹¹⁵ Fhedzi tshivhidzo na khathihi a tsho ngo dzhia sisteme ya Mudzimu, tsho ita sisteme yatsho. Itsho ndi tshone tsho itisaho uri rothe ri vhe nda ha nyandano. Itsho ndi tshone tsho itisaho uri tshivhidzo tshi timatime. Itsho ndi tshone tshi itisaho uri shango li kwashekane namusi, fhedzi ro tanganedza sisteme dzashu. Itsho ndi tshone tsho itisaho uri shango la politiki li fhandedekane. Itsho ndi tshone tsho itisaho uri shango la vhurereli li kwashekane, ndi ngauri ro tanganedza sisteme vhudzuloni ha u dzhia pułane ya Mudzimu ya U Ya Nga Hu Sa Pheli ya zwikhathi. Amene. Iyo ndi yone ine ya vha thaidzo kha shango. Izwo ndi zwone kokotolo zwo khakheaho, ndi ngauri vho tanganedza tshiñwe tshithu-vho. Tsho wana vhatu nga u ralo, "Ndi Mupuresbiterieni. Ndi Mumethodisi. Ndi wa Vhuthihi. Ndi wa Vhuraru. Ndi . . ." Oo, khathutshelo! A zwi mangadzi ri sa koni u farisana, a hu na tshithu tsha u ri farisa.

¹¹⁶ Vho-Nixon vho ita lihumbulwa li penyesaho le nda vhuya nda pfa munwe muphuresidennde kana mufarisamuphuresidennde a tshi li ita kha minwaha i si gathi yo fhiraho, musi a tshi amba linwe duvha, "Naa thaidzo ndi mini kha vhatu vha Amerika, vho xedza lufuno na u ḥonifhana." Sa vhadzulapo vha Amerika vha tshi khou ṭavhelana mikosi fhasi, tshiṭaraṭani, ri nga kona hani? Nñe-nñe!

¹¹⁷ Arali ni sa koni u fhambana na munna, huno na mu funa nga tshifhinga tshenetsho tshithihi, zwenezwo fhumulani. Arali ni sa koni u mu vhudza, vhunga baba vha tshi khakhulula nwana wavho, nga tshanda tshi no funa u mu vhea u mona na mukulo wavho huno vha mu kuvhatedza ngavhuya, inwi ndi khwine ni tshi mu litsha e ethe. Inwi a no ngo ya kule ho edanaho, inwi munye, u qivha zwine na khou amba nga hazwo. Ndi zwone. Ndi nga kona u fhambana na munna, zwa vhukuma; u kha di vha mukomana wanga, ndi do fara tshanda tshawe. Ndi nga si mu litshe a bvela phanda na izwo; arali nda ita, arali ndi songo mu vhudza, ndi do vha mukomana o lulamaho khae. Izwo ndi zwone. Fhedzi ndi nga kona u mu vhudza, huno nda mu vhudza uri ndi a mu funa, huno nda mu phuruvela zwone, ndi a mu funa.

¹¹⁸ Inwi a ni tei u mu thuntsha a wela fhasi, tshiṭaraṭani. Ndi fhambana na Vho-Kennedy na—na politiki dzavho, na vhurereli havho, na zwinwe-vho, fhedzi ho ngo tea u ita izwo. Hai, munye wanga. Hai, nga ngoho. A hu na munna o tewaho nga izwo.

¹¹⁹ Ngauralo, ri a wanulusa uri shango lo the lo tshinyala. Lushaka lwashu, politiki, sisteme dza vhurereli, na tshiñwe na tshiñwe, tsho tshinyala.

¹²⁰ Tsho tou lindela. Ipfi la Mudzimu, ilo lo porofitelwa ili duvha, lo lindela munwe muthu uri a de huno a Li khwaṭhise. Ri

a mangala arali O no di zwi ita? Zwenezwo ri ngafhi tshifhingani itsho arali O no zwi ita? Arali O zwi ita, zwenezwo ri ngafhi? Ri a ḥungufhadza nga maändesa!

¹²¹ Ndo amba tshithu tshi kondaho nga ha Vho-Mme Kennedy, zwifhinga zwe vhalaho, nga ha u dzudzanya havho fesheni dza shango, na aya magerele a mavhudzi ḥohoni, na, “Nga ndila ine khaladzi dzashu na vhañwe vha ḥunya mavhudzi avho, huno vha ambara vhunga Vho-Mme Kennedy,” nda ri, “vhunga Jesebele o kegulaho.” Izwo ndi ngoho. Ndi a tenda izwo. Ndi—ndi—ndi a pfa ndi tshi disolela mme muñku heneffo madekwana a ñamusi, vhe na vhaná vhavho, kokotolo.

¹²² Fhedzi i ri ni ndi ni vhudzise tshiñwe tshithu. Arali Jacqueline Kennedy o vha a tshi do vha o pfa Milaedza ye vhañwe vha vhoiñwi vha Pentekoste na vha no i pfa, nga ha u fhungudzela mavhudzi anu na zwithu, o vha a tshi do vha a si na mavhudzi o fhungudzélwaho. U tea u vha wa pentekoste, huno ni kha di zwi ita! Uh-huh. Uh-huh. O vha a si nga zwi iti arali o vha e na tshifhinga huno a pfa Mulaedza, ni a vthona, no pfa. Heneffo ni hone. Ri fhethu hvuhi, mashaka. Izwo ndi zwone kokotolo. Ee, nga ngoho. O Mudzimu, nga ndila ine mikhwa yavhuđi, tshithu . . .

¹²³ Vhusadzi ndi tshiñwe tsha zwithu zwine zwa fara lushaka Iwashu fhethu huthihi. Ndi muñodo. Huno vhusadzi, maända avhuđi ane Mudzimu a a ñea musadzi uri a vhe mme, mulandu, o—o—o ḥuwa. Tshifhinga tsho fhiraho vhasadzi vho—vho—vho—vhasadzi vha lino shango, maända avho, vho gwadamela mudzimukadzi wa fesheni ya Hollywood; vha tshi diphathena, na u diambadza, huno vha tshi difara sa dziñwe dza idzi ñaledzi dza Hollywood. Huno zwifhinga zwinzhi na u ambara ha u sa ofha Mudzimu, u takalela zwa vhudzekani, ha dzhiwa sa dzifesheni zwivhidzoni. Huno vhafunzi murahu ha phuluphithi, vha si na—na tshivhindi, hu si nu—nungs dza Muya Mukhethwa; vhunga Lota o dzula fhasi henengei, a tshi khou tambudza muya wawe, huno e kha u dalesa ha thikhithi ya zwiliwa u vhudza vhathu uri zwe khakhea. Iina.

¹²⁴ Zwine ra ḥoda ñamusi ndi u tupula. Ri nga di tupula tshifhinga tsho no ḥuwesa zwino. Awara i nga di fhira. Ri nga si vhe na iñwe mvuseledzo na khathihi. Ndi a divha uri ri khou i ḥoda, fhedzi a thi i vhoni Luñwaloni.

¹²⁵ Ndi ḥoda U Takulelwa Ṭadulu, u itela fhedzi vhathu vha tshidalatshanda. Izwo ndi zwone, tshidalatshanda tsha vhathu fhedzi. Vha nga si vhuye vha shaeya shangoni. Musi vha tshi ḥuwa, ni nga si divhe uri vho ḥuwa na khathihi. Izwo ndi zwone. Hu do da vhunga mbava vhusiku.

¹²⁶ Huno arali A sa tumuli mushumo wa vha mupfufhi, u itela Vhanangiwa! Hu na vhañwe vho nangelwaho kha Vhutshilo Vhu Sa Fheli, ri a zwi divha izwo; vhothe vho ralo, vhané vha na

Vhutshilo Vhu Sa Fheli. Huno arali vhone—huno arali vhone . . . kana zwenezwo A sa u tumuli wa vha mupfufhi, u itela vhone, a hu na nama i no do tshidzwa. Shango lo ḥangana na mutshinyalo walō, miñwaha ya zwigidi zwivhili miñwe na miñwe. Ri a divha uri sisteme yo kwashekana. Yo kwashekana kha mađuvha a Noaxe. Mađuvha a Kristo, o kwashekana. Huno hafha ndi 1964 u no khou da, naa u sia mini? Miñwaha ya furarurathi kha miñwe ya zwigidi zwivhili; wa vhufumbilinthihi, ñwahadana wa vhufumbilinthihi u khou da. Naa hu bvelela mini? Mushumo u tea u tumulwa wa vha mupfufhi. Yesu o amba, u tshi—tshinyala ha lino ḫuvha, “Vhanangiwa vha do fhurwa huno a vha nga tshidzwi, arali zwi tshi do konadzea.” Heneffo ri hone. Huno khalenda i a ri vhudza, u ya nga saints, uri ri ḥoda u swika miñwaha ya fumithanu u bva afho. Ri murahu kha khalenda ya Vharoma, u ya kha khalenda ya Vhayuda, uri ri miñwaha ya fumiñthanu, ya fumbili murahu ha izwo.

¹²⁷ Ngauralo ri ngafhi? Ri vhone tshaka dici tshi kwashekana, huno Israele i tshi karuwa, zwiga zwe iyi Bivhili ya bvumba zwa lino ḫuvha. Ri vhone zwithu zwa mekhanikhe zwi tshi khou itea. Zwino Muya, mashumele a iļo Ipfi lo fulufhedziswaho, u dzhena ngomu ha Tshiyhidzo Tshawe huno a vha khadela ngomu Khalivari hangei, na kha U Takulelwa Ṭadulu! Huno heneffo ri hone.

¹²⁸ A zwi mangadzi ri tshi khou kwashekana, a hu na tshithu . . . Tshithu tshenetsho tshe tsha sika liphasi, Tshithu tshenetsho tsho vhewa hafha u itela uri liphasi li rembuluwe, Tshithu tshenetsho tshe dzisisteme na tshiñwe na tshiñwe-vho tsha vha tshi tshi khou tea u mona, ili Ipfi le, nga Mudzimu, la vhumba liphasi. Einstein o amba kha yawe, a ri, “Hu na u ḥalutshedza ha Luñwalo huthihi . . . U ḥalutshedza huthihi ha ili shango li tshi vha hone,” a ri, “ulwo ndi Vhaheberu 11, ‘Nga lutendo ri a pfectesa Ipfi la . . . nga Ipfi la Mudzimu, uri mashango o vhumblea fhethu huthihi nga Ipfi la Mudzimu.’” Ndi zwenezwo fhedzi. A hu na ane a nga amba uri li nembelela hani tuyani, na uri li nga rembuluwa hani huno la ita awara dzaļo dza fumbiliña u mona na mainganye, zwiñwe-vho nga u ralo, na u mona na obiti yalo, huñwe na huñwe, huno la vhuya fhethu honoho huthihi huno la si vhe la pfuka muthethe. Huno ńaledzi iñwe na iñwe i tshi khou mona kha mutengelele wayo nga u ralo, huno dici tshi thusana musi dici tshi mona.

¹²⁹ Nga ndila ine uyo ñwedzi wa sedza heneffo fhasi kha ulwo lwanzhe! Arali uyo ñwedzi wo vhuya wa sudzuluwa fhethu hawo, ro vha ri tshi do fukedzwa nga mađi a fiti dza qana, nga muthethe fhedzi, kana miyhilli. Uyo ñwedzi! Sedzani, nahone no vha ni tshi nga gwa mulindi hafha, vhoinwi vhatthu ni tshi khou gwa mapfura, ni tshi khou gwa hafha fhasi. Vhonani uri khunzikhunzi i kule hani na inwi? Ni gwa mulindi hafha fhasi mavuni, huno na sedza nga tshifhinga tsha nga madekwana, nga

ndila ine gabelo la dzhena ngomu, li do disa madi nthia nga phaiphi yanu, madi anu a munoo. Zwa vhukuma. Naa ndi mini? Uyo nwedzi u a a langa, hangei.

¹³⁰ Ndi sisteme ya Mudzimu. Ndi pulane ya Mudzimu. Ndi Mulayo wa Mudzimu. Fhedzi, ri ita yashu, a ri nga dzhii Yawe. Kha ri t̄avhanye zwino, vhunga u fhira. Vhunga tshifhingani itsho, zwi a fana nga ino Khushumusi, ri wana shango l̄ashu li tshi khou kwashekana. Oo!

¹³¹ Mudzimu o doliswa, huno A fulufhedzisa Ipfi Lawe. O ri dolisa ngei murahu, huno A ri vhudza, a vha vhudza, “Musi O dolisa Yesu Kristo . . .” Petro o amba nga Duvha la Pentekoste, a ri, “Yesu Kristo, Munna o themendelwaho nga Mudzimu vhukati hanu nga zwiga na zwimangadzo, zwe A ita vhukati hanu; vhoinwi vhañe ni a divha.” Vha dzithanzi. Nahone ha pfi, “Nga murahu ha mvuwo, na zwinwe-vho, nga ndila ye A ita! Nga ndila ye nga zwanda zwivhi na dzhia Mukololo wa Vhutshilo huno na vhamba, We Mudzimu a mu vusa; huno ri dzithanzi.” Nga ndila ye Nikodemo a da huno a ri, “Rabi, ri a divha. Rine Vhafarisei, dzone khothe dza Sanih dini ngei nthia, ri a divha uri Iwe u Mudededzi o ruñwaho a tshi bva Mudzimuni. A hu na munna we a kona u ita zwithu zwine Wa ita nn̄dani ha musi zwi zwa Mudzimu.” Vho divha uri iyo pfulufhedziso yo vha i ya henefho, huno vho divha uri yo vha yo ralo, fhedzi sisteme dzavho dzo vha dzo vha vhofha nga maanda u swika vha sa koni u ita tshithu nga hadzo.

¹³² Zwo ralo na ñamusi, zwenezwo zwithu zwithihi nga ngoho. Inwi ni nga si kone u zwi ita, ni do latā garaña yanu ya vhuledzani lwa u thoma ni tshi zwi ita. Inwi ni tou swaya henefho mn̄da kha ilo Ipfi la Mudzimu nga tshiñwe tshifhinga, na vhon a zwi no bvelela; no fhela. Ni nga si divhee. Ni do rahelwa nn̄da vhukati havho, na tshiñwe na tshiñwe-vho.

¹³³ Oo, arali ni na mushumo muñuku, vha do ni fara nga nthani ha tshelede ine vha kona, vha sukumedzela gogo ngomu ha mushumo wanu, vha kokodza tshelede na zwithu. Fhedzi itonu sedza musi zwi tshi da kha Ipfi, vha sedzeni nga ndila ine vha tikedza Ilo. Inwi ni elekanya uri mulanda wa Mudzimu ha divhi uri mini? Zwo luga, Yesu o vhuya a divha uri Yudasi o vha e vhukati Hawe. Ndi ngani Yesu o songo amba tshiñwe tshithu kha Yudasi? Ndi nga tshiitisi tshenetsho tshithihi zwo ralo ñamusi, ni do tea u lindela u swika iyo awara i tshi da u itela uho u fhura. Izwo ndi zwone. Vho hu wana. Vha do hu wana.

¹³⁴ Dzhielani nzhele, fhedzi a vho ngo ḥoda ndila ye A da, zwo ralo na ñamusi. Zwivhidzo tshifhingani itsho zwo ḥoda sisteme dzazwo dzi tshi doliswa. Vhafarisei vho ḥoda sisteme ya Vhafarisei i tshi doliswa, Musadukei o ḥoda sisteme ya Musadukei, Vhaherode nga u ralo, na vhañwe-vho. Iyo ndi ndila ñamusi. Arali vha tshi do funa . . . Arali Mudzimu vha tshi do

rumela ndodzo, huno vha dolisa vha Vhuthihi, yawee, nnene, naa a vha nga vhudzi vha Vhuvhili nga hazwo, kana vha Vhuraru, kana tshiñwe na tshiñwe tshi re tshone? Naa vha Dzikhuvhangano a vha nga vhudzi vha Vhuthihi nga hazwo? “Ndo amba uri no vha no luga!” Mumethodisi u do vhudza Mubaphuthisi, “O mutukana, ni a vhona, ro mu wana wa musidzana!” Inwi no lindela sisteme yanu i tshi doliswa.

¹³⁵ Fhedzi Mudzimu o fulufhedzisa fhedzi u dolisa Ipfi Lawe. Amene! Ndi a divha uri zwi a fhisa, fhedzi izwo ndi zwine zwa vha Ngoho. Mudzimu na khathihi ha shanduki. U dolisa Ipfi Lawe. Ee, muñe wanga. Ipfi lo doliswaho, lo fulufhedziswaho la itsho tshikhathi ndi line Mudzimu a dolisa. Ipfi lo doliswaho la itsho tshikhathi!

¹³⁶ Namusi vha ḥoda sisteme ya pfunzo, (ndi ngani?) ngauralo vha nga kona u ita tshiñwe tshithu tshine vha ḥoda, huno vha di farelela u bula havho ha Vhukriste. Oo, arali vha na tshiñwe tshithu tshihuluhulu, hune ni nga kona u dzhena ngomu, na ya phasi kha dzilaini, na zwithu, huno na ṭafuna tshingamu, huno—huno na rahana nga thungo; huno na bva huno na vha na holo dza netuluso na zwithu, hune na bva nothe huno na tambo basiketebolo na zwithu zwa u ralo. A thi lwi na basiketebolo, besibola, futhibola, kana tshiñwe na tshiñwe tshi re tshone, tshihulu... arali itsho tshi zweþe zwine mudzimu wanu a vha zwone, ndi saga khulu ya maya. Fhedzi i ri ni ndi ni vhudze, zwine ra ḥoda namusi ndi Ipfi la Mudzimu, lo doliselwaho itshi tshikhathi, line la do disa phanda Maanda a Muya Mukhethwa hafhu. Ee, izwo zwo luga, fhedzi izwo a si zwa tshivhidzo. Hai, muñe wanga. Ri tea u fhaþa tshiñwe tshithu tsha u ralo, u vhulunga tshivhidzo fhethu huthihi, ndi khwine ni tshi tshi rembulusela phasi kana na tshi rahela nn̄da, kana na wana tshiñwe tshithu ngomu henehfo tshi no do disa Ipfi murahu hafhu. Huno izwo ndi zwithu zwa shango, oo, ni tshi zwi ṭanganyisa na Ipfi la Mudzimu, ni nga si kone u zwi ita. Hai, muñe wanga.

¹³⁷ Ee, muñe wanga, zwino vha ḥoda sisteme. Shango li do dzhia sisteme. Zwino ri a wanulusa, sisteme inwe na inwe ṭhukku kha yayo, inwe na inwe yadzo i ri, “Ndi ḥoda Li tshi da kha nne. Ndi ḥoda Li tshi da kha nne.” Oo, vha khou wana mitshini mihulwane, na vharerri vha funzaho, na zwithu zwi no nga izwo, na u vha bvisela nn̄da, vha tshi vha thothonya, mutukana, nga vhuþali; u swika, nne-nne, muthu a tshi pfa maipfi awe, girama yawe, yo vhifha nga maanda, u vhenga na u vhuya a ya kha phuluphithi murahu ha muñwe. Fhedzi zwine ra zwi ḥoda namusi a si sisteme ya pfunzo, a si bugu dza mañwalo.

¹³⁸ Zwine ra zwi ḥoda namusi ndi Mafhungo-maqifha o farwaho nga Maanda a Mudzimu, u khwaþisedza Ipfi la ino awara, kha hune ha do da muñwe muthu a no do ima huno a vhidza vhutswu “vhutswu,” na vhutshena “vhutshena,” muñwe muthu a no do

ima huno a amba Ngoho, kana I dzhia mukumba kana ya ni posela fhasi, kana zwine La ita. Izwo ndi zwone kokotolo zwine—zwine awara ya zwi vhidza, namusi.

¹³⁹ Fhedzi vhathu vha ḥoda tshinwe tshithu. Vhathu namusi, vhasadzi, naa vha ḥoda mini? Vha ḥoda vha—vha—vhathu, mufunzi, a no do ima huno a ri, “Zwo luga. Inwi ni nga ita *itshi*, kana itani *itsho*. Kana, izwo zwo luga, a hu na tshithu tsho khakheaho nga *itsho*, mufunwa.” Uyo mureri u ḥoda thamu ya Mafhungo-mađifha; u tendela mavhudzi o fhungudzelwaho, u ambara pennde.

Hai, inwi ni ri, “Naa izwo zwi na mushumo Nalo?”

¹⁴⁰ Naa a ni dīvhi uri nga nn̄da haṇu hu vhonisa zwi re nga ngomu? Naa Bivhili a i ri ni songo ita izwo? “A zwo ngo vhuya zwa ḥowelea uri musadzi a rabele nga u ralo.”

¹⁴¹ Huno inwi munna ni ḥoda tshithu tsho raloho? Vhareri, ni nga si kone u zwi amba, ngauri ni laṭa garaṭa yanu ya vhuledzani, khoro khulu i do ni rahela nn̄da arali ni tshi amba tshinwe tshithu nga hazwo. Mudzimu thusa munna a no do elekanya nga maanda nga ha garaṭa ya khoro kana garaṭa ya vhuledzani u fhira zwine a do ita nga ha ndovhedzo ya Muya Mukhethwa, nga Ipfi! Muya Mukhethwa u nga kona hani, we wa nwala Bivhili, wa hana zwe A nwala?

¹⁴² “Zwo luga, mađuvha a mađembe, oo, a ri ḥodi iyo namusi. Phodzo ya Muya, izwi zwinwe zwithu, izwo, a hu na tshithu tsho raloho. Uho ndi u bvumba mashudu, ndi u, oo, u vhala muhumbulo.” Inwi, a tungufhadzaho, a sa hulisei, naa thaidzo ndi mini nga ha inwi? Ri ḥoda—ḥoda Mafhungo-mađifha, arali Muya Mukhethwa u kha inwi!

¹⁴³ Arali ndo ni vhudza, “Vhutshilo ha Beethoven ho vha hu kha nne,” ndi nga kona u nwala muzika. Arali Beethoven o tshila mgomu hanga, ndo vha ndi tshi do tshila vhutshilo ha Beethoven. Arali Shakespeare o vha e kha nne, ndo vha ndi tshi nga sika vhurendi. Ndo vha ndi tshi nga kona u nwala matambwa, arali Shakespeare o tshila kha nne.

¹⁴⁴ Arali Yesu Kristo a tshi tshila kha inwi, mishumo ye A ita, na Ipfi Lawe, Ndi ene Ipfi, u do Li khwaṭhisēdza nga lino duvha, nga yeneyo pfulufhedziso ine A nea. Amene. Izwo ndi zwe Mudzimu a zwi lindela. Izwo ndi zwine zwa fara shango fhethu huthihi, lo fhandekana, zwine zwa fara shango fhethu huthihi, shango la vhurereli fhethu huthihi, ndi Ipfi Lawe, li fara linwe la Ipfi fhethu huthihi. Iina.

¹⁴⁵ Vhathu vha ḥoda ulwo lushaka lwa sisteme, naho. Vha khou yo lu wana. Vho no di vha khayo, zwa zwino. Khoro ya Dzigereke ya Lifhasi i do vha nea fhedzi zwine vha ḥoda, inwe na inwe fhethu huthihi. Nga ndila ine avha vha Vhapentekosta la vha kona u dzula kha idzi khuvhangano, huno vha dzhena kha Vatican City huno vha nwala luñwalo lwa phađalala, huno

vha ri, "Tshithu tsha tshimuya nga maandesa tshe nda vhuya nda tshi amba, musi ndo dzula nga thungo ha Khotsi Mupapa Mukhethwa *Mukenenene*," huno nda vha Mupentekostala huno nda divha ndila... Ndi mushumo wo faho wa Pentekoste. Tshithu tshothe tsho fa. Tsho tshinyala. Tsho ṭuwa! Tshi henehfo murahu kha Dzangano la Zwivhidzo hune la vha la hone. Ndi zwone kokotolo.

¹⁴⁶ Fhedzi Tshivhidzo tsha Mudzimu a tshilaho, uyo Muselwa, tshi bvela phanda nga ndila i fanaho. Huno U do dzhena kha U Takulelwā Tađulu, nga Ipfi, izwo ndi zwone, Ipfi na Ipfi a do da fhethu huthihi. Arali ri tshipida tsha Kristo, tshipida Tshalo, ri tea u vha Ipfi Lawe, ngauri Ene ndi Ipfi. Ndi zwone. Ee, muñe wanga.

¹⁴⁷ Vho hana Ipfi lo doliswaho la pfulufhedziso, la tshino tshikhathi, hune Ene tshifhinga tshothe ndi Ipfi. Arali Mudzimu o ri rumela Ipfi lo doliswaho, lo fulufhedziswaho hafhu, la tshino tshikhathi, nga 1946, U do vha a fanaho na we A vha e ene musi A tshi da mathomoni, Ipfi lo doliswaho la tshikhathi. Vhaheberu 13:8 i zwi posela henehfo murahu tshirumbini tshañu, huno lwa ri, "Ha shanduki mulovha, ñamusi, na lini na lini." Izwo ndi zwone kokotolo. Huno rine... Huno U do dzula na Ipfi lo fulufhedziswaho la Khotsi la tshino tshikhathi. Arali Yesu a tshi da, U do vha kokotolo zwe Ipfi la amba uri U do vha zwone kha tshino tshikhathi.

¹⁴⁸ Izwo ndi zwe Eliya a vha e zwone kha tshikhathi tshawe. Izwo ndi zwe Mushe a vha e zwone kha tshikhathi tshawe. Izwo ndi zwe, huñwe na huñwe, muporofita muñwe na muñwe a vhuya a da. Huno lone—lone Ipfi, musi Li tshi da nga vhudalo, Ipfi lo the lo itwa ñama vhukati hashu, Lo ita kokotolo zwe La amba uri Li do ita nga itsho tshikhathi.

¹⁴⁹ Arali Li tshi da ñamusi, U do vha kokotolo Yesu Kristo a tshi khou tshila pfulufhedziso Yawe ya zwe A fulufhedzisa u ita, u tou fana na Ipfi.

¹⁵⁰ O vha e Ipfi. Yesaya 9:6 ndi Yesu Kristo. Huno musi Lo itwa ñama huno la dzula vhukati hashu, Lo tshila kokotolo zwe La ita. Mushe o amba nga hangeno, kha Bugu ya Ekisodo, "Murena Mudzimu wañu," kana Doiteronomio, "Murena Mudzimu wañu u do vusa muporofita, a no nga nñe; huno zwi do da zwa khunyelela, uri ane a sa do Mu pfa, u do tumulwa vhukati ha vha—vhathu." Huno musi A tshi da, O ita kokotolo zwe Ipfi la amba uri U do ita. Huno vho wana mulandu Khae, ngauri sisteme dzavho dzo Li tumula huno dza ita Ipfi la Mudzimu li si na masiandoitwa khavho. Ni a vhona? A vho ngo kona u tenda vhe na zwithu zwo raloho zwi no nga Izwo. A vho ngo kona u tenda ulwo lushaka lwa zwithu, ngauri tshifhinga tsho vha tsho no fhira, vho elekanya. Oo!

¹⁵¹ Ngauri, O phuruva Ipfi Lawe u vha li fanaho. U do khwathisedza Ipfi namusi, vhunga O Li khwathisedza tshifhingani itsho. U do haṭula, nga vhuhali, sisteme iñwe na iñwe ya dinomineisheni shangoni, arali A tshi da kha lifhasi namusi. Izwo ndi tshe A ita, tsha u thoma. Itsho tshi do vha tshithu tshine A do rwa. Itsho ndi kokotolo tshe A rwa musi A tshi da lwa u thoma. Vhunga O ita tshifhingani itsho, ngauralo vha do ita nga itshi tshifhinga, na vhone-vho. Huno O ita tshifhingani itsho, ngauri na khathihi Ha shandukisi Ipfi Lawe. Na khathihi Ha shandukisi sisteme Yawe. Tshifhinga tshothe i a fana, Ndi Ipfi lo doliswaho tshifhinga tshiñwe na tshiñwe, u itela tshikhathi. Izwo ndi zwone.

¹⁵² Ngauralo hafhu, vhunga ri tshi zwi wana ñamusi, arali A da, pułane Dzawe dza u fara shango fethu huthihi dzi do landulwa u tou fana na zwe zwa vha zwi zwone tshifhingani itsho.

¹⁵³ Fhedzi thetshelesani, u valani, ndi ṭoda u amba izwi. Rine a ro ngo fulufhedziska sisteme, a ro ngo fulufhedziska dinomineisheni, dinomineisheni ya nthesa, pulane ya nthesa ya luñwe lushaka. Fhedzi ri fulufhedziska Muvhuso, Muvhuso wa U Ya Nga Hu Sa Pheli. Amene. Izwo ndi zwe ra fulufhedziska, ri na Vhutshilo Vhu Sa Pheli kha uyu Muvhuso wa U Ya Nga Hu Sa Pheli. Huno Muvhuso u langwa nga Khosi ya U Ya Nga Hu Sa Pheli, Ipfi Lawe la U Ya Nga Hu Sa Pheli lo nekedzwaho kha vhathe Vhawé vha re na Vhutshilo Vhu Sa Pheli. Huno vhathe vha Vhutshilo Vhu Sa Pheli a vha iti munyanya nga zwithu zwa shango, fhedzi two ñwaliwa, uri, "Muthu u do tshila nga Ipfi liñwe na liñwe li no bva mulomoní wa Mudzimu." Ngauralo musi rine rothe zwino... Ri ṭanganedza uyu Muvhuso, huno ri a wanulusa uri, "Tađulu na lifhasi zwi do fhira, fhedzi ili Ipfi li nga si lovhe na khathihi." Huno ili Ipfi ndi Muvhuso. Ili ndi Khosi na Muvhuso, Sisteme, Vhutshilo, ndi tshipida tshiñwe na tshiñwe henefha ngomu *Hafha*.

¹⁵⁴ Arali Mudzimu a tshi haṭula shango Lawe nga tshivhidzo, naa ndi tshivhidzo tshifhio tshine A khou yo tshi haṭula ngatsho? Naa ndi vhanngana vha re henefho? Zwivhidzo zwa dinomineisheni two fhambanaho zwa mađana na mađana na mađana. Arali Kaṭolika tsho luga, ndi ifhio Kaṭolikā? Arali Kaṭolika ya Tshigerika tsho luga, zwenezwo tsha Vharoma tsho khakhea. Arali tsha Vharoma tsho luga, tsha Vhagerika tsho khakhea. Ngauralo, inwi ni a vhona, arali tsha Methodisi tsho luga, tsha Baphuthisi tsho khakhea. Arali tsha Baphuthisi tsho luga, tsha—tsha Pentekoste tsho khakhea. Arali tsha Pentekoste tsho luga, zwenezwo tsha Puresbiterieni tsho khakhea. Ni a vhona? Ngauralo nothe ni do dada.

¹⁵⁵ Fhedzi Mudzimu ho ngo ri sia ri si na iñwe ḫanzi kana muñwe—muñwe—muñwe muelo une ra tea u ima ngawo. Illo ndi Ipfi! O ri, "I ri ni ipfi la munna muñwe na muñwe li vhe mazwifhi, huno Langa li vhe Ngoho." Izwo ndi zwone.

¹⁵⁶ Ngauri, "Maṭadulu na lifhasi zwi ḍo lovha." Ri a vhudzwa hafha, uri, "Ri ṭanganedza Muvhuso une u sa kone u sudzuluswa." Ee, muṇe wanga. Musi iyi mivhuso yothe ya shango i tshi khou wa zwino, huno tshithu tshothe tshi tshi kwashekana, naho two ralo ri a lovhedzelwa ngomu ha Muvhuso une u sa kone u sudzuluswa. Amene. Ri ṭanganedza Muvhuso. Ngauralo, musi shango li tshi kwashekana, ri a bebwa ngomu kha uyu Muvhuso une u nga si kone u kwashekana. Ndi Ipfi la Mudzimu la U Ya Nga Hu Sa Fheli, huno ri ima khalo. Li nga si kone u kwashekana.

¹⁵⁷ Ri pfa nga maanda nga ha iyi sisteme ntswa zwine ya khou yo disa, sisteme ya vhurereli, inwi ni a ḋivha, i tshi khou yo disa mulalo kha lifhasi, musi Mukatolika na Vhaporotestanti vhothe vha tshi ṭangana. Vhañwe vhavho vha tenda kha phodzo ya Muya, vhañwe a vha tendi, huno vhañwe vha tenda *itshi*, huno vhañwe vha tenda *itsho*. Huno inwi ni tea u naledza u tata hanu khani huhulu he na vha ni tshi ṭata nga hao tshifhinga tshothe, lutendo lwañu lwa vhuvevangeli, u dzhena kha Khoro ya Shango. Huno dinomineisheni inwe na inwe i do tea u dzhena ngomu heneffo. Ngauralo, arali dinomineisheni yo señwa, huno u vha ngomu hayo, naa i ita mini? I posela heneffo murahu. Arali Roma i mme a dinomineisheni, huno i ḋivhanda na luswayo lwa ḋivhanda, zwenezwo vho ita tshifanyiso tshayo, khoro, zwivhidzo zweþhe fhethu huthihi zwi ita tshifanyiso tsha ḋivhanda, ngauralo heneffo tswititi murahu kha luswayo lwa ḋivhanda hafhu! Iyi sisteme ya shango, vhudinomineisheni, ho disa sisteme ya u disa luswayo lwa ḋivhanda.

¹⁵⁸ Huno ni a lu vhona vhunga nne ndi tshi lu vhona, uri zwa zwino lu khou yo kombetshedzwa, uri, vhothe vhane vha sa vhe kha iyo nzudzanyo, mutshini muhulu wo dzula heneffo; mashumele a heneffo o lindela Sathane a tshi dzhena khawo, na nungo. Ni a vhona? Huno, musi zwi tshi ita, a hu na muthu ane a nga rera Mafhungo-madjifa, a hu na munna, a si wa iyi sisteme. Hu na luswayo lwa ḋivhanda. Huno elelwani, nga itsho tshifhinga, Muselwa o ḫuwa, ngauralo ni a vhona uri lu tsini hani. Zwe luga, ngauralo inwi ni a vhona hune ra vha hone.

¹⁵⁹ Inwi ni kona u vhona mini: itshi tshifhinga tsha musi mutengo wa zwithu u tshi wa, izwi zwithu zwi khou bvela phanda. "Oo, karuwani, vhoiwi vhakhethwa vha Murena, ndi ngani ni tshi kumedza musi vhufhelo ho no sendela?" Ndi ngani ni tshi zwi ita? Nga tshinwe tshifhinga ni a tshinya duvha lanu la tshilidzi. Ni songo ita izwo na khathihi. Ee, muṇe wanga.

¹⁶⁰ Zwino, iyi sisteme i nga si disa mulalo wa shango. Arali iyo i tshi ḍo disa mulalo wa shango, naa ho bvelela mini kha Mukololo wa Mulalo we a vha e Ipfi? Ndi mulwanakristo kha pfunzo yawe. I hanedzana kokotolo na zwe Mudzimu a zwi imela, zwe A ri vhudza zwone. "Izwi zwiga zwi ḍo vha tevhela vha no tenda," vha tenda uri izwo ndi vhuṭafuṭafu. Mishumo 2:38 ndi

tshiñwe tshithu, khavho, a vha ñivhi tshithu nga hatsho. Ipfi lothe, na zwiñwe-who, a vha ñivhi tshithu nga ha Ilo, huno vha a Li hana. Zwi khunyeledza kokotolo zwe muporofita a amba kha Timotheo ya II, ndima ya vhu3, “Vha do dihudza, vha ḥonga, vhe na tshifanyiso tsha u nga vha ofha Mudzimu, huno vha tshi do hana Maanda aho, maðuvhani a u fhedzisela.”

¹⁶¹ Iyo sisteme ya dinomineisheni ndi luswayo lwa ñivhanda. Inwi no ñivha. Arali inwi na khathihi ni sa athu mpfa ndi tshi zwi amba u rangani, itsho ndi tshone tshi nnyitisaho uri ndi zwi dzinginyise nga maanda. Ngauri zwino ndi elekanya uri tshifhinga tshi tsini na u fhela, ngauralo zwi nga itwa uri zwi bvelele huno nda amba Ngoho nga hazwo. Heneffho zwi hone. Ulwo ndi luswayo lwa ñivhanda, kokotolo. Roma yo vha i ñivhanda, huno yo vha i dinomineisheni, dzangano la u thoma.

¹⁶² Huno ri bva hafha, riñe vhathu vha Pentekoste, u sa vha vha re na mukovhe nayo; huno ra humela heneffho murahu, “vhunga mmbwa mañanzani ayo, huno nguluvhe kha u vhumbuluwa hayo,” heneffho ngomu murahu. A zwi mangadzi sisteme yashu ya Pentekoste yo fhela, na ya Methodisi yo ralo, ya Baphuthisi, Khoro ya Dzigereke ya Liphasi, na zweþhe! Vha khou milwa kha Khoro ya Zwivhidzo, vha tshi ita luswayo kana-kana tshifanyiso kha ñivhanda, u nea maanda alo. “Huno lo vha na thoho i re na mbonzhe ya u isa lufuni, huno zwenezwo la tshila,” Roma ya vhuhedeni kha Roma ya mupapa. Yawee, nne-nñe, Vhaporotestanti vho pofula hani! Huno hafha ni hone, zwa zwino no dzula heneffho vhukati halo. Huno a hu na tshithu tshine ni nga ita zwino. Sisteme yo no di vhumbiwa. Vha do i dzhia huno vha sa ñivhe uri vho i dzhia hani. Vha do tou vha ngomu heneffho, ndi zwenezwo fhedzi. Vha nga si kone u bva khayo. Zwe no di itwa.

¹⁶³ A si ñisili kha vhathu, naho. Lo no di rerwa. Elelwani, Mudzimu u nea vhuñanzi halo, ho khwathiswa nga Ipfi Lawe. Zwithu zwe A amba uri U do ita, O zwi ita kokotolo. Ngauralo, a hu na tsha u zwi landula. Ee.

¹⁶⁴ Ndi nungo dza khole-khole. Dzo ñisa zwithu zwo tou kokotolo zwe Yesu a ita, “Vhoinwi nga maitele añu no ita Ipfi la Mudzimu uri li si vhe na masiandoitwa.” Nga u landula ilo Ipfi la ngoho, vho vhuya heneffho murahu kha tshithu tshenetsho tshithihi hafhu, pfunzo dzavho na zwenezwo zwithihi vhunga zwe vha vha vhe zwone mathomoni, huno, izwo u hanedzana na Kristo, vha tshi funza Ipfi kha vhatendi kha itsi tshikhathi huno vha vha vhudza u—u landula na u ḥanutshela.

¹⁶⁵ Musi Mudzimu o ita Ipfi Lawe ñama vhukati ha vhathu Vhawe, kha tshikhathi tsha Yesu Kristo, kha u thoma ha Khushumusi, mitshimbilo ya Vhafarisei na idzo dinomineisheni dzoþhe yo ita mini? Ha pfi, “Ni songo vhuya na ya na kha muñwe

wa iyo miṭangano. Arali ni tshi ita, ni ḋo khauliwa musi ni tshi zwi ita.”

¹⁶⁶ Naa a ni vhoni uri zwithu zwe dovhoholola hani murahu hafhu? “Naa uyu Munna ndi nnyi? Naa O bva kha tshikolo tshifhio? Naa ndi ifhio garata ya vhuledzani ine A vha nayo? Naa U na tshigwada tshifhio? Naa uyu Munna u bva ngafhi?” Vhunga, U da ḥamusi vhunga O ita tshifhingani itsho. “Ri nga si vhe na uyu Munna uri a ri lange. A ri nga vhi na muthu a no ḋo ri vhudza zwine ra tea u ita. Ri vha Vhuthihi. Ri vha Vhuraru. Ri Vhapuresbiterieni. Ri *itshi*. A ri tei u Li ḥanganedza!”

¹⁶⁷ Ndi a divha uri a ni iti, fhedzi ni ḋo dzhia Ipfi kana na lovha! Ndi zwenezwo fhedzi. A hu na inwe ndila nga nn̄da ha Iyo, fhedzi Iyo ndi yone i no ri ita uri ri farane. Muvhuso wa Mudzimu a si muvhuso wa izwi, a si wone, Muvhuso wa Mudzimu a si sisteme ya lino shango. Yesu o amba nga u ralo. Yesu o ri, “Muvhuso Wanga a si wa lino shango. Arali wo vha u wało, vhurumelwa Hanga ho vha hu tshi ḋo lwa.” Ndi Ipfi.

¹⁶⁸ Ri tou nga Abrahamu. Abrahamu o ḥanganedza Ipfi. Huno tshinwe tshithu tshe tsha vha tsho fhambana na Ipfi, o tshi vhidza u nga ri tsho vha tshi siho. Huno muñwe ḥwana o bebwaho lwa ngoho wa Mudzimu u ḥanganedza Ipfi la Mudzimu, huno, a thi londi zwine nnyi na nnyi a amba, uri ndi ifhio sisteme i ambaho i tshi hanedzana na ilo Ipfi, Ipfi ndi la ngoho, naho zwe ralo.

¹⁶⁹ Mudzimu u kombetshedzea u ḥangana na inwi kha theo ya idzo pfulufhedziso. Nga nn̄da ha idzo pfulufhedziso, A nga si ḥangane na inwi, ngauri no no ditumula Khae. Itsho ndi tshone tshi itisaho uri shango ḥashu li kwashokane. U valani, ri nga di amba izwi.

¹⁷⁰ Tshinwe na tshinwe tsho fhambanaho Nalo, tshi nga a tshiho. Sisteme yo itwaho nga muthu yo raloho, riñe na khathihi a ri i sedzi. Hai, muñe wanga. Ro lovhedzwa zwenezwo ngomu ha uyu Muvhuso, riñe zwingo ro dzula mafhethu a Tađulu kha Kristo Yesu, yawee, nñe-nñe, na Khosi yashu yo doliswaho na riñe; ri kha munyanya wa Muvhuso Wawe, Ipfi lo fulufhedziswaho lo doliswaho na u khwathisedzwa heneffo vhukati hashu. Amene. Whew! I heneffo, pfulufhedziso ya Muvhuso Wawe yo itwa yo lugaho phanda hashu, a hu na tshine tshi nga ni rembulusela kule Hało. Hai, muñe wanga.

¹⁷¹ Abrahamu, naho mufumakadzi wawe o kegula, huno ene a tshi khou kalaha tshifhinga tshothe, a zwe ngo mu dina na zwiṭuku. Ene na khathihi ho ngo dedeleka kha pfulufhedziso ya Mudzimu, nga kha u sa tenda. A hu londwi uri ni amba zwingafhani, “A zwi konadzei. A nga si bvele phanda nazwo,” o dzula Nalo, naho zwe ralo. Ngauri ndi ngani? Khosi yo vha i na ene, i tshi mu sumbedza mabono na u mu sumbedza zwine

zwa do khunyelela, huno zwo bvelela u tou fana na musi O amba, huno o divha uri uyo o vha e Mudzimu.

¹⁷² Huno musi Mudzimu a tshi ita pfulufhedziso, huno inwi ni tshi i vhona, huno A i amba huno ya bvelela, huno ya amba, i a bvelela, huno na khathihi a i kundelwi, ndi Mudzimu wa duvha. Oo, hu tshi itwa munyanya kha idzi pfulufhedziso dza Tađulu dza Ipfi lo fulufhedziswaho Lawe la tshino tshikhathi, oo, a tshi divha, nga vhuđanzi ha vhukuma ha lutendo, ha uri hu khou da mađadulu maswa na lifhasi liswa. Amene. “Tađulu liswa na lifhasi liswa, ngauri ili tađulu la u thoma na lifhasi la u thoma zwi do lovha.” Fhedzi kha ili tađulu liswa na lifhasi liswa, Paulo o amba nga hafha kha Bugu ya Vhaheberu, ya vhufumbili- . . . 14:25, a ri, “Ngauri ri t̄anganedza Muvhuso une wa si kone u sudzuluswa.” Naa ro dzhena hani ngomu hawo? Hu si nga sisteme ya vhurereli; fhedzi, Muvhuso wa Mudzimu u ngomu hanu. Muvhuso! Khosi na Ipfi Layo zwi a fana, huno Zwi ngomu hanu, zwi tshi khwađisedza awara ine ra khou tshila khayo. Pfulufhedziso ye Mudzimu a i itela itshi tshikhathi, hafha ri hone, ri tshi khou tshila na Khosi, ro dzula kha mafhethu a Tađulu, ro Mu sedza a tshi khou ita izwi zwithu.

¹⁷³ Huno ri nga kona hani u t̄anutshela ilo Ipfi, ra ya kha inwe sisteme? Naa i ita mini? I hana Ipfi. Inwi ni tea u t̄anganedza u landula Ngoho, ni sa athu vha na vhukhakhi. Izwo ndi zwone kokotolo. Naa ni a tenda izwo? [Tshivhidzo tshi ri, “Amene.”—Mudz.]

¹⁷⁴ Awara ine ra khou tshila, O Mudzimu, shango li khou kwashekana! Henefho ho nembelela kha dzihangara, dzibomo, henefho ho nembelela tshithu tsha u ita kokotolo.

¹⁷⁵ Tshivhidzo tsho luga. Tsho pfuñelwa ngomu, tsho lugela u da. Hu do vha na u shuluwa ha Muya huhulu, ee, mune wanga, u dzhavhula itsho Tshivhidzo na u Tshi dzhia ngomu lutomboni. Kokotolo. Ngauri, ni a vhona, Tshivhidzo, Ipfi, Muselwa . . . Huno, Kristo, mushumo Wawe u kha Muselwa Wawe, une wa vha Muvhili Wawe, Muvhili wa tađulu, kana ndi ṭoda u amba, wone—wone Muvhili u re nga n̄tha ha mupo Wawe hafha kha muvhili wa tshimuya kha lifhasi, Muya Wawe u ngomu henefho u tshi khou tshila Vhutshilo Hawe henefho nn̄da, u swika Ene na Tshivhidzo vha tshi vha muthihi kha mutshato. Ni a vhona, vha vha muthihi. U a vha dzhia, vha si gathi vhađuku fhedzi mađuvhani a u fhedzisela.

¹⁷⁶ Huno zwenezwo avho vhasidzana vhothe vhe vha edela, fhasi nga kha tshikhathi, vhothe vho vuwa, inwi ni a vhona. Zwino, izwo ndi kha u flađuwa ha vhusumbe, tshikhathi tsha vhusumbe tsha tshivhidzo, tsha u fhedzisela, tshifhinga tsha vhufhelo, Laodikea, vhufheloni, musi tshigwada tshiđuku tshavho fhedzi tsho dzhena ngomu. Fhedzi, zwi disa mvuwo yothe ya avho vhothe vho faho kha zwikhathi zwāvho, vha tshi khou tshilela

ilo Ipfi le la odeiniwa nga Mudzimu huno la rerwa u bvelela nga ilo duvha, musi ri tshi fhira nga kha izwo zwikhathi zwa tshivhidzo huno ra vhona kokotolo Ipfi li no do tangana navho nga itsho tshifhinga; nga ndila ye Luther a vuwa, nga ndila ye a wanulusa, kha tshikhathi tsha Luther, lo bva phanda sa livhanda vhunga li na tshifhaṭuwo tsha munna khalo, huno la ya phanda, we a vha e “mushandululi,” zwi tshi amba *munna*. Huno, musi, zwikhathi zweṭhe, tshiñwe na tshiñwe tsho swikelela ḥodea dza Ipfi la Mudzimu.

¹⁷⁷ Huno ngauralo itshi tshikhathi tshi do tangana kokotolo na tshiga na tshimangadzo na tshithu tshe Mudzimu a fulufhedzisa u ita kha aya maduvha a u fhedzisela. Huno Tshivhidzo Tshone tshiñe tshi do luga huno tshi do ṭuwa nga U Takulelwa Taḍulu na Yesu, ngauri, “Ri tanganedza Muvhuso une u sa kone u sudzuluswa. U nga si kone u sudzuluswa. Maṭaḍulu na lifhasi zwi do lovha, fhedzi uyu Muvhuso u nga si lovhe na khathih.” Amene. Ndo takalela u vha, madekwana a ḥamusi, amene, madekwana a ḥamusi, kha uyo Muvhuso. Naa a no ngo takalela u vha ngomu Hawo? [Tshivhidzo tshi ri, “Amene.”—Mudz.] Yawee, nne-nne, u vha kha Muvhuso, Uyo!

¹⁷⁸ Itonu elekanya, naa no vha ni tshi nga difulufhedzisa mini ḥamusi? Kha miñwe miñwaha ya fumi u swikā kha ya fumiñhanu, arali shango li tshi do ima, arali li tshi imela izwo, munna muñwe na muñwe ngei Shreveport, musadzi muñwe na muñwe, ni do tea u hwala tshigidi, tshiṭaraṭani, na inwi, tshikwamani tshanu, u qitsireledza. Zwigvhenga! Naa ni khou yo a imisa hani? Zwi lingedzeni. Zwo luga, tshoṭhe...

¹⁷⁹ Ndo vha ndi New York, nga inwe vhege. Huno ndo tsela fhasi nga kha henefho, lwa dzimaela, ho vha hu si na tshithu nga nnđa ha zwigvhenga izwi zwa thangana ya murole zwi na zwinina zwa ndevhe ndevheni dzazwo, na mavhudzi o gamiwaho, ho ambariwa legothadzi, huno vhasidzana vhe na bikini ḥukhu, vho dzi vhidza, nga iyo ndila, nnđa tshiṭaraṭani. Huno vhatu vha tea u vha nea ndila ya u fhira. Oo, naa thaidzo ndi mini nga ili shango? Ndi nga nthani ya uri ndi tshi—tshiga tsha u sina ha mikhwa, lushaka ḥwo landulwaho nga Mudzimu. Ndi zwenezwo fhedzi.

¹⁸⁰ Naa ni nga fhaṭa hani kha zwo swaho zwa mañwe marubi a u ralo? Naa ni khou yo zwi ita hani, musi zwigvhenga zwi no khou tshimbila tshiṭaraṭani huno zwa thuntsha onoyo Muphuresidennde henefho nnđa ha modoro wawe?

¹⁸¹ Huno vhuñwe vhusiku, munna wa nnđu ya ndilani, nthia kha mutambo wa bola na tshiñwe na tshiñwe, o sokou dzhena henefho ngomu huno a fhufha phanda ha foso ya mapholisa a Texas e na vha fhiraho ḫana na tshiñwe tshithu vho ima henefho, a dzhena henefho ngomu; huno muthu muñwe na muñwe o mu sedza, a kokodzela tshigidi tshawe nnđa huno a thuntsha munna

nga u vhulaha lwa tshițuhu, huno a bva. U do luvhelela “u sa penga,” huno a țuwa o vhofholowa.

¹⁸² Henefho kha mudi washu, munna o dzhena henefho ngomu giratshini, lińwe ăuvha, kha dzangano lițuku la zwiliwa, huno a dzhia mu—mu—munna we a vha e murengisi wa mo—modoro. O vha a sa mu takaleli, huno o tou kokodzela tshigidi nnđa huno a mu thuntsha, luńa kana luțanu. Huno a ri o vha a tshi penga; vha mu litsha a țuwa. Arali hu “u penga” ho luvhelelaho uyo munna, zwenezwo na Oswald o vha e na tshikhala, o vha e na tshikhala tsha u luvhelela u penga.

¹⁸³ Naa ndi mini, naho? Inwi ni a vhona hune tsha vha hone, tshithu tshothe ndi tshivhalonyana tshihulu tsha u tshinyala! Tshithu tshothe tshi na mulandu, huno shango lothe li ima li na mulandu, huno tshivhidzo tshi ima tshi na mulandu phanda ha Mudzimu. Amene. A zwi mangadzi ri tshi khou thathekana!

Kha ri rabele.

¹⁸⁴ Murena Mudzimu, hafha ri hone. Awara i fhano, Khotsi. Tshifhinga tshi nga di vha tsho țuwa u fhira zwine ra elekanya. Khamusi u tshinyala ho dzhena ngomu nga u ralo, huno vhuukhula ho vha vhu tshi khou la, huno nzie, u swika Vhutshilo hothe ho no țuwa. Ndi a U rabela, Murena, u vha wa khathutshelo. Tendela, Murena, arali hu na munna kana musadzi, mutukana kana musidzana, Vhuhoneni zwino, ane a sa U divhe, uri vha U țanganedze zwa zwino, Khotsi. Li nga di vha dzina la u fhedzisela line la do vhuaya la ya kha Bugu, li bvaho Shreveport.

¹⁸⁵ Huno musi ro kotamisa zwifhațuwo zwashu. Naa uyo muthu u hone fhano a no do imisa tshanđa tshawe, a ri, “Mukomana Branham, ndo tenda hu si na u timatima uri zwe na amba ndi zwone. Shango li khou thathekana, huno ri țanganedza Muvhuso une u nga si kone u thathekana. Huno, vhunga nne, a thi na ngoho uri kana ndi kha uyo Muvhuso, kana hai.”

¹⁸⁶ Ni songo ăitika nga uri no vha na luńwe lushaka lwa mushumo wa munyanyuwo. Ni songo ăitika nga uri kana no amba nga dzindimi. Ndi tenda kha izwo zwithu. Ngoho, ndi tenda kha dzindimi. Fhedzi ndo no pfa vhodiabolo vha tshi amba nga dzindimi huno vha nea ăthalutshedzo yazwo, vha ńwala nga ndimi dzi sa dihwi, vhaloi, ni a vhona. Inwi ni nga si ye nga izwo.

¹⁸⁷ Fhedzi arali Vhutshilo ha Yesu Kristo vhu kha inwi, Vhu do Ditshila nnđa, vhu tshi tenda Ipfi la Mudzimu lińwe na lińwe. Ngauri, A nga si kone U ăihana, Ndi ene Ipfi.

¹⁸⁸ Zwino, arali A Ipfi, huno U ngomu hanu, huno zwenezwo inwi ni ri, “Zwo luga, Mukomana Branham, ndi a ni vhudza, ndi tou vha ndi nga si dzhie Ilo. A thi tendi Ili, izwi zwithu ndi zwa linu ăuvha,” huno hafha Lo fulufhedzisela ili ăuvha, oo, mukomana wanga, no fhuriwa. Muńwe muya wo vha kha inwi huno wa ni fhura.

¹⁸⁹ Mufumakadzi, arali inwi, kana munna, kana ane na vha ene, arali izwo zwithu zwi re zwa vhukuma nga maanda, zwa vhukuma kha Ipfi, zwe Yesu Kristo a zwi fela; hu si u tou vha na tshivhidzo kana u vha na tshivhalonyana tsha munyanyuwo, fhedzi u vha na tshivhalonyana tshi re na Muya Wawe, u tshilaho Khae; Muselwa Wawe, Ipfi Lawe li ngomu heneffo, Ipfi linwe na linwe li la ngoho. Huno ni a divha uri a Li shumi nga kha inwi nga iyo ndila, inwi ni a divha uri hu na zwithu, Bivhilini, zwine na si kone u tenda uri zwo ralo; huno ni tshi tod a eleliwa thabeloni? Zwino ito linwe na linwe lo valiwa, thoho iwe na iwe yo kotama, ndi a mangala, arali kha iyi awara yo no tuwesaho musi...

¹⁹⁰ Tshi nga di vha katukuṭuku tshifhinga tsha u fhirisa vhudipfi, ni a vhona, ngauri hu do da tshifhinga tshi no nga tsha musi Muya wa Mudzimu u tshi do dzhiwa kha liphasi, hu nga si tsha vha. Tshivhidzo tshi do sala lwa tshikhathinyana, izwo ndi zwone, tshi tshi rera, ngauri tshi tea u rerela vho xelaho lwa U Ya Nga Hu Sa Fheli, vhunga mushumo muñwe na muñwe wo ita, u tshi tsela fhasi nga kha tshikhathi. Tshipida tsha u fhedzisela tsha mushumo muñwe na muñwe tsho rerela vho xelaho lwa U Ya Nga Hu Sa Fheli. Huno hu do vha na mushumo zwino u no do rerela vho xelaho lwa U Ya Nga Hu Sa Fheli nga murahu ha musi vho hana u Li tanganedza.

¹⁹¹ Fhedzi arali hu tshi kha di vhonala hu na thase mbiluni yanu, uri ni do takalela u vha na Kristo kha inwi, huno shango lothe lo fa, ni do imisa tshanda tshanu, na ri, "Nnyelelweni thabeloni, Mukomana Branham." Murena a ni fhatutshedze. Ee, ee, zwa fumi kana zwanda zwa fumithanu. Naa hu do vha na muñwe ri sa athu rabela? Zwino ri khou toda u vala, nga miniti i no toda u swika mivhili kana miraru. Mudzimu a ni fhatutshedze, mufumakadzi muswa.

¹⁹² Itonu elekanya nga hazwo, elekanyani, elekanyani nga hazwo, mini-ha arali zwi tshi do vha zwo lenga nga maanda? Mini-ha arali ni muthu wa u fhedzisela ane A do khokhonya kha vothi?

¹⁹³ Li khou thathekana, ri a zwi divha izwo. Inwi ni nga si dzule hafha, itscho ndi tshithu tshithihi tsha ngoho. Inwi ni nga si dzule hafha. Ni khou tuwa. Itonu zwi swaya, inwi ni khou tuwa. Huno arali ni tshi...

¹⁹⁴ Ni songo tou nyanyulea. Ni songo ri, "Ndi wa tshivhidzo." Inwi ni vhe na ngoho ya Izwo. Arali Kristo a sa tshili kha inwi, kha inwi, u swika ni tshi...thalukanyo yanu yothe, mbilu, maya, muvhili.

¹⁹⁵ Inwi, inwi ni ri, "Zwo luga, ndi elekanya..." Inwi a ni na muhumbulo u no khou da, mukomana. I ri ni thalukanyo ye ya vha i kha Kristo i vhe kha inwi! "Ndi elekanya uri mađuvha ho ngo fanela u vha... Ndi elekanya uri itshi a tsho ngo fanela u

ralo. Ndi elekanya uri Ipfi a li ambi *itshi*.” A ri na muhumbulo u no khou da.

¹⁹⁶ Arali thalukanyo ya Kristo i kha rine, zwenezwo ri do limuwa uri ilo Ipfi ndi la Ngoho, huno Li tshila nga kha rine. Inwi ni nga si zwi kone, Ndi Kristo!

¹⁹⁷ Bvisani vhutshilo kha mutokola wa bvani huno ni vhu vhee kha mutokola wa fhuri, u do anwa mabvani. Inwi ni nga si u tuse khawo, ngauri hu na vhutshilo vhune ha vha ngomu.

¹⁹⁸ Huno arali—huno arali ni tshi ri, “Zwo luga, a thi tendi Ilo, lone—lone Ipfi hafha,” zwenezwo uyo a si Muya wa Kristo. Ni a vhona, hu na muñwe myua kha inwi.

¹⁹⁹ Naa hu na muñwe ri sa athu rabela? Mudzimu a ni fhaṭutshedze. Mudzimu a ni fhaṭutshedze, huno inwi, inwi. Ee, izwo ndi zwavhudi. Zwino, muñwe muthu-vho, lwa tshikhathinyana fhedzi zwino. Mudzimu a ni fhaṭutshedze, muthu muswa. Inwi, mufumakadzi mutuku. Inwi, khaladzi. Mudzimu a ni fhaṭutshedze, na inwi. Žwo luga, naa hu na muñwe? Mudzimu a ni fhaṭutshedze, ngeyo murahu.

²⁰⁰ Ni songo ofha zwino. Ni songo vha na ḥoni zwino. Vhusiku ha matshelo vhu nga di vha ho lenga nga maanda. Ni a vhona? Hu nga di vha madekwana a ḥamusi iyo mbilu ya ima u divhitha. Hu nga di vha madekwana a ḥamusi he na Li thudzela kule, tshifhinga tshañu tsha u fhedzisela.

²⁰¹ Naa ndi vhanngana ngomu hafha vhave vha sa vhe na ndovhedzo ya Muya Mukhethwa, imisani zwanda zwanu, inwi ni divha uri—uri a ni Nay? Nne-nne! Iyo ndi ndila ine na dzhena ngayo. Muya Mukhethwa ndi Kristo. Iyo ndi ndila ine na swaiwa ngomu Muvhusoni, Vhaefesa 4:30, “Ni songo pfisa Muya Mukhethwa wa Mudzimu vhutlungu, we na swaiwa ngawo u swika duvha la thengululu yanu.” Huno arali inwi—huno arali inwi ni na mihumbulo ya iyi Bivhili, ya uri a Li ngoho, zwenezwo myua une wa vha kha inwi a si Kristo, ngauri Kristo ndi Ipfi.

²⁰² Ngoyo Muvhuso une u nga si kone u sudzuluswa, uyo ndi Ipfi. Uyo ndi Muvhuso une u nga si sudzuluswe. “Maṭadulu na lifhasi zwi do lovha, fhedzi Ipfi Langa li nga si ralo.” Arali Ipfi li kha inwi! “Arali ni tshi dzula kha Nne, huno Ipfi Langa kha inwi; humbelani zwine na funa, zwi do itelwa inwi. Mishumo ine Nda ita,” Yohane Mukhethwa 12, 14, “mishumo ine Nda ita, na inwi ni do ita; na yo engedzeaho u fhira iyi, ngauri Ndi khou ya kha Khotsi. Naho two ralo lwa tshikhathinyana, huno shango a li tsha Mmbona; naho two ralo ni do Mmbona, ngauri Ndi do vha na inwi, na kha inwi, u swika vhufheloni ha shango.”

²⁰³ Sedzani zwe mishumo Yawe ya vha i zwone, vhonani arali yo vuselwa rine maduvhani a u fhedzisela. Naa vho Li landula? Lifhasini lothe! Huno shango li khou kwashekana hafhu, iyi Khushumusi, vhunga zwe zwa vha zwi zwone kha ila Khushumusi.

²⁰⁴ Khotsi ashu wa Tađulu, ho vha hu na zwanda zwinzhi zwe zwa ya n̄tha hafha madekwana a ɻamusi, khamusi zwa furaru kana fuina, kha itshi tshigwada tshițuku tsha vhathu, zwo ya n̄tha madekwana a ɻamusi, vhe vha ɖivha uri a vha hune vha tea u vha hone. Vho zwi ɖivha uri Iwe a wo ngo dzula khavho, kha Tshikalo. Vhańwe, khamusi tshińwe tshithu Bivhilini, vha ri, “Ndi tou . . . Ndi—ndi—ndi a Li ɻanganedza ngauri ndi—ndi tou elekanya uri khamusi ndi tea u ralo.”

²⁰⁵ Fhedzi, Murena, Wo fulufhedzisa uri Iwe u ɖo vha Ipfi, huno Iwe u Ipfi. “Huno Ndi ɖo da kha iwe, huno nda Digivhadza kha iwe.” Ri wana uri sisteme Dzau, sisteme Yau, a i shanduki.

²⁰⁶ Musi U tshi da kha Testamente Ndala, Wo amba, “Ipfi lo da kha vhaporofita.” Huno musi Lo ita, vho porofita huno La da la khunyelela, ngauri Lo vha li Mudzimu.

²⁰⁷ Zwino ri a limuha uri Wo ri rumela kule, huno wa ri ɻea ndaela ya uri ri ye shangoni ɻothe na u ita vhafunziwa, huno Wa ri, “Musi Wone Muya Mukhethwa wo da kha inwi, U ɖo disa izwi zwithu zwe Nda ni funza, kha nyelelwo yanu.” Izwo ndi, hafhu! “Huno nda ni sumbedza zwithu zwi no ɖo da.” U kha di ralo! “Mudzimu, zwifhingani zwinzhi na nga mikhwa yo fhambanaho o amba na vhokhotsi nga kha vhaporofita; kha aya mađuvha a u fhedzisela nga kha Murwa Wawe, Kristo Yesu.” Muya Mukhethwa Wone uŋe, u tshi da, Mudzumbululi wa Ipfi lo ɻinaliwa, na Shawara ya zwithu zwi no ɖo da! Wo ri, “Ipfi la Mudzimu,” kha Vhaheberu 4, “li na vuuhali u fhira banga la mutsheahothé, Muṭalukanyi wa mihumbulo i re mbiluni.”

²⁰⁸ Huno munna wa tshivhi na tshivhidzo, ɻamusi, a nga kona u dzula huno a vhona Iwe u tshi ita zwenezwo zwithihi, huno a Li vhidza maya muwhi, u tou fana na musi vho ita kha maduvha o fhiraho. “Arali vho vhidza Muňe wa nn̄du ‘Belesebulu,’” huno ri a zwi vhona.

²⁰⁹ Murena, Mudzimu, naa ndi mini zwo engedzeaho zwine ri nga kona u ita zwino? Hu na mbilu dzi re na ndala hafha dzo imisaho zwanda zwadzo. Vha dzhie zwa zwino, Murena, dadza mbilu iñwe na iñwe nga lufuno Lwau. Zwi tendele.

²¹⁰ Huno zwino ro kotamisa zwifhaṭuwo zwashu. Arali inwi we a imisa zwanda zwanu ni tshi ɖo takalela u da u mona na pulatifomo hafha, ni songo—ni songo zwi fhirisela phanda, ni a vhona. Tshenetshi tshikhathinyana tshi tevhelaho zwino, itonu takuwa, nga u ṭavhanya, huno ni de ngeno, itonu ima. Uvhu vhu nga di vha vhusiku vhune na ɻanganedza Muya Mukhethwa.

²¹¹ Dzikhonani, sedzani, izwi a zwi khou yo vha hone tshifhinga tshothe. Zwone, zwi khou yo guma. Zwi khou guma zwa zwino, huno zwi nga di vha zwo no guma. Fhedzi samusi ni tshi khou lingedza u tama u da kha Kristo, zwenezwo heneffo nga ngoho hu na tshińwe tshithu heneffo, naho zwo ralo, tshi tshi ni kokodzela nga iyo ndila.

²¹² Naa ni nga si de zwino huno na ima heneffha u itela thabelo? Inwi a no tama u, tshimbila heneffho n̄tha u mona na alitari, lwa tshikhathinyana fhedzi, musi ri tshi dzula ro kotamisa zwifhaṭuwo zwashu. Zwino vhatu vha khou da heneffho n̄tha. Izwo ndi zwone, idani heneffha n̄tha u mona na alitari. I ri ni, "Shango li khou kwashekana, a thi Ქodi shango kha nne. Ndi Ქoda Muvhuso kha nne, une u nga si kwashekane."

²¹³ Yesu o ri, "A hu na tshithu tshine tsha do xela. Ndi do tshi vusa nga ᲅuvha la u fhedzisela. Ee, Ndi do tshi vusa." O fulufhedzisa, ngauralo inwi ni nga si kone u kwashekana. Mudzimu u khou yo tshi vusa. A thi londi uri ndi mini, U khou yo tshi vusa.

²¹⁴ Naa no zwi divha uri a hu na tshine tshi nga tshinyadziwa tshothe nga muthu? A hu na tshine tshi nga tshinyadziwa. Inwi ni ri, "Mini-ha nga ha mulilo, musi u tshi khou dugisa tshinwe tshithu?" A u tshi tshinyadzi tshothe. Hu tou vha dziathomu ngomu heneffho dzi tshi khou kwashekanya idzo khemikhalā nga vhukati, huno ni wana vhududo khawo. Vhu ya heneffho murahu kha tshiimo tshaho tsha vhubvo, nqila ine ha vha ngayo mathomoni; dziesidi, dzigese, mbone, na zwiñwe-vho, sa zwe zwa vha zwi zwone. Inwi ni nga si kone u tshinyadza tshithu. Arali—arali shango lo ima tshifhinga tshilapfu lwo edanaho, li nga di da heneffho murahu kha tshiñwe tshipida tsha bammbiri, kana muñwe muri, kana tshiñwe na tshiñwe tshine na khou tshi fhisa. Ni a vhona, inwi ni nga si kone u tshi tshinyadza tshothe. Mudzimu o tshi ita nga u ralo.

²¹⁵ Oo, inwi ni nga si tshinyadze tshothe tsiko ya Mudzimu, izwo ndi zwone kokotolo, ngauralo ndi zwinngafhani zwe engedzeaho zwine A nga kona u vusa zwe A fulufhedzisa!

²¹⁶ Naa ni nga si de? Naa hu do vha na vhañwe vho engedzeaho zwino? Hu na tshigwada tshiñku hafha, hu si hafu ya vhe vha imisa zwanda zwavho. Ndo elekanya uri vhoiñwi zwa vhukuma no zwi amba musi ni tshi imisa zwanda zwanu, nga maanda a Mulaedza wa u ralo.

²¹⁷ Naa ndi vhanngana vha vhoiñwi ngomu hafha, zwino zwifhaṭuwo zwanu zwe kotama, vha no divha izwi, zwauri no vhona Mudzimu a tshi vhulunga pfulufhedziso Yawe, heneffha u budekanya iyi pulatifomo, huno a divha zwiphiri zwa mbili? Luthihi, hu si tshifhinga tshithihi he A vhuya a amba tshiñwe tshithu nga nn̄da ha zwe zwa bvelela. Inwi ni a divha uri izwo ndi ngoho. Kha miñgano, huñwe na huñwe, kokotolo fhedzi zwe Yesu Kristo a ita musi O vha e fhano kha lifhasi, O zwi ita hafhu. Inwi ni a divha izwo. Ni a zwi divha izwo. Ndo vha ndi tshi khou elekanya nga ha phodzo Yawe.

²¹⁸ Vhege dzo fhiraho mbili, ndi sa athu ya New York, ho vha hu na mufumakadzi o ᲅaho na pfuko mukuloni. Muya Mukhethwa wo amba nae, mutanganoni. Hafha o vha e hone, nga Swondaha,

e na pfuko kha tshipiда tsha nguvho, ye a i hoṭolela nn̄da. Madokotela o i sedza, huno a ri, “Vhutshilo ho bva kha pfuko, huno ha vhofholowa.” Huno a i hoṭolela nn̄da.

²¹⁹ Muñwe o vha e na pfuko kha thanga dza tshisadzini. Huno o vha nayo heneffo, e na tshifanyiso tsho hudzwaho, e na tshitatamennde tsha dokotela nayo. O tshi fhira, mađuvha mavhili ngavhuya.

²²⁰ Muthu muṭuku o ima heneffo, we a vha a si na nyelelwo, u bva kha—u bva kha miñwedzi na miñwedzi na miñwedzi. O vha o wa huno a vhaisala nga murahu ha thoho yawe. Ho ngo vhuya a divha we a vha e ene kana he a vha e hone. Nga ipfi la thabelo fhedzi, huno a vhea zwanda khae, nda ri, “Naa dzina ḥanu ndi liphio?”

A ri, “Billy Dukes.”

Nda ri, “Naa ni wa lini?”

A ri, “Miñwaha ya ṭahe nga vhukale.” Ha pfi, “Naa ndi ngafhi?”

²²¹ Maanda a Mudzimu! Ndi tama nkavhe no vha ni na nne ngei Colorado, vhege dzi si gathi dzo fhiraho, musi tshiñwe tshithu tshi tshi bvelela tshine tsha do ni dzinginyisa, u divha zwe tsha vha tshi zwone. Ri kha tshifhinga tsha vhufhelo, khonani.

Ni songo, ni songo tsha fhirisela izwi phanda. Idani. Arali hu na tshiñwe hafha, idani. Naa ni do ralo? Naa ni do da?

²²² Zwino, arali ni sa khou da, ni a vhona, ndi—ndi nga si kone, ndi—ndi—ndi—ndi... Zwothe zwine ndi nga ita ndi u tou ni vhudza Ngoho, ni a vhona, zwenezwo zwi kha inwi. Vhunga Noaxe, o dzhena ngomu, gungwa la vala murahu hawe, a hu na tshe tsha bvelela lwa tshikhathinyana; fhedzi shango lo lovha nga nn̄da, huno shango lo bvela phanda li tshi khou tshila nga ndila i fanaho. Ni a vhona?

²²³ Pilato o bvela phanda, nga murahu ha musi o no vhamba Yesu. Ndi do rera nga ha izwo, nga masiku a si gathi, “malofha kha zwanda zwanu,” Murena a tshi funa.

Dzhielani nzhele, naa hu na muñwe, ri sa athu vala?

²²⁴ Zwino ndi khou yo humbela vhasadzi vho ḫinekedzaho vhukuma na vhanna, vha no divha Mudzimu, u tsela fhasi huno vha ima hafha huno vha vhea zwanda kha avha vhathu. Itshi tshi nga di vha tshifhinga tsha u fhedzisela tshine vha do vhuya vha vha na itshi tshifhinga. Vhanwe vha vhoiñwi no ḫekedza vhathu vha no divha Mudzimu, na da nthia huno na ima na avha vhathu. Vha khou vha na garaña dza pinki khavho, kaṭukuṭuku muñwe na muñwe wavho, izwo zwi amba uri vha, vha vhatśinda vhukati hanu. Ndi elekanya uri izwo ndi zwone. Idani, vheani zwanda zwanu khavho. Miñwe mirado ya Life Tabernacle, idani ngeno. Vhanwe vha vhoiñwi vharathu ngeno nthia ni ḫoda u da? Idani phanda, iyi ndi awara. Naa a ni—naa a ni funi itshi, vhathu? Nñe-

nne! Naa mafulufulu aŋu a ngafhi? Naa tshinwe tshithu tshashu tshi ngafhi tshi no ri ita uri ri tshimbile? Naa thaidzo ndi mini?

Zwino arali vhathetshelesi vha tshi do tou lindela lwa tshikhathinyana, kha iyi thabelo.

²²⁵ Vhoinwi vhatthu no imaho hafha, zwino sedzani, ni songo ditika nga munwe munyanyuwo, naho zwi na munyanyuwo ngomu Halɔ. Ni songo ditika nga ha uri kana ni khou yo amba nga dzindimi, kana hai. Ni songo elekanya tshithu nga hazwo. Mudzimu u do londa izwo, ni a vhona. Inwi ni humbela Yesu Kristo uri a de ngomu vhutshiloni hanu uri a D̄itshile nga kha inwi. Inwi a ni ḥodi mihumbulo yo engedzeaho ya inwi. Inwi ni ḥoda mihumbulo Yawe. “I ri ni iyi ḥalukanyo ye ya vha i kha Kristo i vhe kha inwi.” Oo, iyi ndi . . .

²²⁶ Izwi, zwe luga, ni khou tou yo pfa izwi zwithu tshifhingani tsha u fhedzisela, luthihi. Zwino sedzani, ndi ḥoda vhathetshelesi vhothe ni tshi ima nga milenzhe yanu, ngeyo nn̄da. Zwino, vhoinwi vhatthu vha funwaho vhane na da fhano u itelandovhedzo ya Muya Mukhethwa, matshelo ndi Ndivhuwo, a hu na mushumo matshelo. Uyu ndi myua waŋu, mukomana, khaladzi. Uvhу ndi vhuyo ha U Ya Nga Hu Sa Fheli hanu. Uvhу, ndi zwino kana na khathihi. Huno samusi ni tshi pfa uho u kokodzwa hutuku! Huno itonu elekanya nga ha aya Mafhungo-ngoho, a heneffho phanda hashu. Ni songo fa kha izwo zwithu, mashaka. Ndi zwa vhukuma. Zwe phuruviwa, zwa vhukuma, zwe fhelelaho tshifhinga tshiñwe na tshiñwe. Huno ndi Ipfi, lo khwathisedzwa!

²²⁷ Ndo sedza munna o ima heneffha. A thi koni u elekanya dzina lawe. Ndi tenda uri ndi Blair, Vhafunzi Blair. Musi ndo vha ndi hangei Hot Springs, hafha hu si kale, nda doba ngeyo nn̄da kha vhathetshelesi, uyo munna o dzulaho heneffho, huno myua muvhī wo vha u tshi khou lingedza u ya kha uyo munna, u mu ita uri a ntimatime. Zwino sedzani zwe zwa bvelela. Nda ri, “Inwi ni nga ḥoqda tshiñwe tshifhinga, ni a vhona.” Ho vha hu si nga nn̄da ha vhege dzi si gathi fhedzi u swika mufumakadzi wawe o mmbidza, munna o vha a tshi khou fa. Ni a vhona?

²²⁸ Huno munna a ḥanganedza, o ḥivha tshifhingani itsho uri ho vha hu diabolo we a vha a tshi khou lingedza u mu wana uri a tende uri Lo vha li lushaka lwa vhufhura kana tshiñwe tshithu. “Fhedzi izwo u do zwi ḥivha hani?” o elekanya. Ngauralo zwenezwo o . . . Nga thabelo ro pandela muvhī khae.

²²⁹ Huno zwenezwo vhege dzi si gathi dzo fhiraho, ni a vhona, Sathane o ḥivha uri itsho tshifhinga tshi khou da, hune a do vha e heneffho o zwimba kha lurumbu lwawe, ndi a tenda uri mufumakadzi wawe o amba, kana tshiñwe tshithu, e na biso li fhisaho, o nyanyulea ḥohoni yawe; a tshi ḥivha uri ho vha hu mini, huŋwe u kavhiwa kha lurumbu lwawe, lurumbu lwawe lwa zwimba. Huno mufumakadzi wawe muṭuku a mmbidza ngei Tucson. Nda ri, “Khaladzi, naa ni na sagaduku?” Ndi tenda uri

o vha e na tshiñwe tshiñwe henengei, tshikhafu tshiñtuku kana tshiñwe tshithu. Nda ri, "Ndi—ndi kona u tshi vhona. Dzhiani itshi huno ni tshi vhee kha Mukomana Blair, nga Dzina la Murena Yesu." Huno o mu humbelu u da u vhidzelela.

²³⁰ Mini-ha arali Sathane o vha a tshi ðo vha o bvelela huno a mu ita uri a si tende, huno a tshi ðivha izwo zwo vha zwi heneffho? O vha a tshi ðo vha a songo ima hafha madekwana a ñamusi na Bivhili yawe kha mbilu yawe. Ni a vhona?

²³¹ Ndi Sathane a no khou lingeda u ni ita uri ni si tende Ili. Izwo ndi zwone. Ni songo mu thetshelesa. Elelwani, "Yesu Kristo ha shanduki mulovha, ñamusi, na lini na lini." Ni a vhona, izwi zwithu zwi phuruvea nga u ralo.

²³² Zwino roþhe kha ri tou, vhoiñwi hafha kha alitari, kha ri tou imisa zwanda zwashu, huno ri ri, "Murena Yesu, nthuse zwa zwino," muñwe na muñwe a tshi khou rabela.

²³³ Khotsi ashu wa Taðulu, ro kuvhangana hafha, O Mudzimu, ndi vhukati ha lulu na vhutshilo, u itela avha vhathu vho imaho hafha. I ri Muya Mukhethwa u dzhene ngomu ha vhutshilo havho zwa zwino. Ngavhe heneffho hu tshi da Maanda a Mudzimu, e a vha ñisa u mona hoþhe na iyi alitari, ngavhe Li tshi da khavho nga mvuwo ya Kristo, huno a vha ñea uvho Vhutshilo Vhu Sa Pheli vhune vha khou vhu ðoda. Murena, zwivhidzo huñwe na huñwe zwi khou fa, maði a tshimuya a vhonala a tshi dzhiwi kha lifhasi. Huno musi hu na tshifhinga tsha avha vhathu u da fhasi ha Tshisima, tendela, Murena, uri mimuya yavho yo omaho, madekwana a namusi, i no khou pfa ñðala na ðora la Mudzimu, ngavhe i tshi ñðala nga Muya Mukhethwa zwa zwino. Zwi tendele, Murena. I ri khathutshelo Dzau na tshilidzi zwi vhe khavho.

²³⁴ Zwino itonu—itonu dzulelani u vhulunga þoho yanu... dzulela u rabela, itonu dzulela u rabela. Muñwe na muñwe, ni a vhona, itonu dzulela u rabela. Ndi a ni rabelela. Ndi ðo ita zwoþhe zwine nda kona, fhedzi ndi nga si ni ñee Muya Mukhethwa. Mudzimu u tea u zwi ita. Sedzani, vhumbari Kristo heneffho phanda hanu, thalukanyoni yanu. Sedzani nnða heneffho huno ni vhone arali ni sthi vhona Kristo phanda hanu, musi ni tshi bonya maþo anu. Zwenezwo tshimbilani heneffho ngomu Hawe, huno ni ri, "Murena Yesu, hafha ndi hone. Iwe na nnë ri khou yo vha muthihi, u bva kha itsi u ya phanda. Ndi ðo dzhia Ipfi liñwe na linwe le Wa mmbudza madekwanani a ñamusi." Zwino itou dzula heneffho, itou dzulela u dzula, arali u tshi dzula madekwana a namusi, matshelo, duvha li tevhelaho, itou dzula u swika zwi tshi fhela, u rabela, u tenda uri Mudzimu u ðo ni ñadza nga ndovhedzo ya Muya Mukhethwa.

²³⁵ Idani ngeno, Don, vha rangeni phanda nga thabelo. Mudzimu a ni fhaþutshedze, Don.



SHANGO LI KHOU KWASHEKANA HAFHU TSV63-1127
(The World Is Again Falling Apart)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Łavhuraru, Łara 27, 1963, kha Thabererenakełeni ya Life kha ḥa Shreveport, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org